



INATSIARTUNUT ILITSERSUUT

2025-mi
saqqummersitaq



Imarisai

Kapitali 1	Siulequt	2
Kapitali 2	Inatsisartuni sapaatip akunnera siulleg.....	4
Kapitali 3	Inatsisartut Siulittaasoqarfiat.....	6
Kapitali 4	Inatsisartut ataatsimiittarneri	10
Kapitali 5	Ataatsimiititaliat	26
Kapitali 6	Aallartitat, siunnersuisoqatigiit aalajangiisartullu	42
Kapitali 7	§ 37 naapertorlugu apeqquutit	46
Kapitali 8	Inatsisartuni partiit	48
Kapitali 9	Najuutinngikkallarneq.....	54
Kapitali 10	Inatsisartut Ombudsmandiat.....	58
Kapitali 11	Inatsisartut Allattoqarfiat – suliassat allattorsimaffiat	62
Kapitali 12	Pissutsit suliassanut tunngasut.....	68

Inatsisartut Allattoqarfiannit saqqummiunneqartoq
Septembari 2025

Assit tamarmik: Inatsisartut Allattoqarfiat

Inatsisartut Allattoqarfiat · Postboks 1060 · 3900 Nuuk
inatsisartut@inatsisartut.gl · www.inatsisartut.gl

1

Siulequt

Asasara Inatsisartunut ilaasortaq

Inatsisartut Allattoqarfiat sinnerlugu matumuuna tikilluaquakkit.

Inuiaqatigiinni nutaaliaasuni tamanillu oqartussaaqataaffiusuni inatsisiliorneq paasiuminartuusariaqarpoq, tunngavilersorluagaalluni qaffasissumillu pitsaasuseqarluni.

Inatsilianik akuersissutiginninniarluni suliaqarneq inatsisit maleruagassallu atuuttut naapertorlugit pisariaqarpoq aammalu inuiaqatigiinni innuttaasunut tamanut tunngavissiisuusariaqarluni. Piumasaqaatit taakku naammassineqar-nissaat Inatsisartunit Naalakkersuisunillu ataatsimoorullugu pisussaaffiuvoq.

Neriuutigaarput Inatsisartuni inatsisiliornermik naalakkersuinermillu suliaqar-nermi tunngaviit, minnerunngitsumillu Inatsisartut Naalakkersuisullu akornanni suliaasat agguataagaanerisa ilitersuummi allaaserineqarnerat nassuiaatigine-qarnerallu iluaqutaajumaartoq.

Taamaattumik ilitersuummi allaaserisat inatsisinut Inatsisartut Naalakkersui-sullu atuunnerannut maleruagassiisunut naapertuupput.

Taamaammat neriuutigaarput ilitersuut sukumiisumik atuassagit. Tamanna aamma partiit allatseqarfiinut allanullu inatsisiliorluni suliaqarnermik soquti-gisaqarsinnaasunut atuuppoq.

Sulinermi pissutsinik assigiinngitsunik ingerlatseriaatsit Inatsisartut Siulittaa-soqarfiata ukiut ingerlaneranni aalajangersarsimasai ilitersuummi aamma nassuiaatigineqarput.

Taamaammat neriuutigaarput ilitersuut sulininni iluaqutigumaarit.

Atuarluarina.

Inatsisartut Allattoqarfiat

Inatsisartuni sapaatip
akunnera siulleq

Inatsisartuni sapaatip akunnerani siullermi eqqaamassavat

- ✓ inuttut paasissutissat Allattoqarfimmut tunniunnissaat
(Inuttut normu, najukkannut paasissutissat, oqarasuaatinnut normuutitit, aningaaserivimmi kontunnut normut, akileraartarnermut allagartat il.il.)
- ✓ ilinniakkat suliffigisimasallu pillugit paasissutissanik immersuiviup immer-sornissaa Inatsisartullu Allattoqarfiannut tunniunnissaa
- ✓ inuussutissarsiutivit aningaasaqarnikkullu soqutigisavit Inatsisartut Allatto-qarfiannut nalunaarutiginnissaat (inatsisitigut pisussaaffik)
- ✓ assilisinnissat
- ✓ Inatsisartut Allattoqarfiannit aaqqissuunneqartumik tikilluaqqussutitut pik-korissartitsineranut peqataanissat

Qulaani pineqartut kapitalimi uani erseqqinnerusumik takukkit;
Pissutsit suliaasanut tunngasut.

UNGALOQ 1

Inummut paasissutissat, ilinniakkat, suliffigisimasat aningaasaqarnikkullu soqutigisat pillugit paasissutissat qarasaasiakkut immersuunneqassapput.

Imatut iliussaati:

- immersugassat uunga aakkit;
ina.gl/gl/inatsisartoqarfik/allagaateqarfik/immersugassat-ilaasortanut/
- qarasaasiannut toqqoriarlugit immersukkit
- pappialamut anisikkit atsiorlugillu
- Inatsisartut Allattoqarfianni Siulittaasoqarfiup allatseqarfianut tunniutikkitt

3

Inatsisartut
Siulittaasoqarfiat

Siulittaasoqarfiup inuttarai Siulittaasooq siulittaasullu tullii sisamat Inatsisartunit qinerneqartut. Qinersereermermi inissitsiterfiusumik ataatsimiinnermi Siulittaasoqarfiup qinersisoqartarpoq, tamatumalu kingorna ukiut tamaasa Inatsisartut ukiuata aallartinnerani (septembarimi). Siulittaasoqarfik – partiinut, qinigassanngorteqatigiinnut kattusseqatigiinnulluunniit ataasiakkaanut sinniisuunani – Inatsisartunut tamarmiusunut sinniisuuvoq.

Siulittaasoqarfik Inatsisartut sinnerlugit avammut kiinnertuuvoq - peqatigitillugulu Inatsisartuni sulinerup illersorneqarsinnaasumik aqqissorneqarlunilu ingerlanneqarnissaa isumagisassaralugu. Siulittaasoqarfik tamatumani suliasanik suugaluartunilluunniit Inatsisartunut Inatsisartunullu ilaasortanut tunngaviumik pingaarutilinnik suliarinnissinnaavoq, tamatumunnga ilanngullugu Naalakkersuisunik pissusissamisoortumik suleqateqarsinnaaneq. Siulittaasoqarfik Inatsisartut ataatsimiinnissaannut oqaluuserisassanik aalajangersaasuuvoq – Inatsisartullu ataatsimiittarfianni ataatsimiinnermi aqutsisuusarluni.

UNGALOQ 2

Akisussaaffiit suliassaqarfiillu allat (assersuutit):

- Inatsisartunik ingerlatsinermi Naalakkersuisunut - aammalu naalagaaffeqatigiinnermut, Folketingimut Savalimmiunilu Lagtingimut – ataqatigiissaarineq.
- nunami namminermermi nunanilu allani pisuni, assersuutigalugu Folketingimi ammaanersiornermi Inatsisartunut sinniisuuneq
- Inatsisartunut pisortatigoortumik tikeraartoqarnerani tikeraartitsisuuneq
- Namminersorlutik Oqartussat nersornaasiuttagaannik Nersornaamik nersornaasiisarneq
- ataatsimiititaliat angalanissaannik, sulinngiffeqarallarnissamik il.il. qinnuteqaatinik suliarinninneq
- qinnuteqaatinik aningaasartuutaaffiusussanik suliarinninneq, soorlu:
 - ° oqaatsinik pikkorissarnissamut (kalaallisut, danskisut, tuluttut)
 - ° tarnip pissusaanik ilisimasalimmit ikiorneqarnissamut (qinigaaffimmi ataasiarluni nal. ak. qulit tikillugit)
 - ° atornerluinnermut katsorsartinnissamut (Inatsisartunut ilaasortanut ataasiakkaanut ataasiarluni – kiisalu nakkaateqqinnermi ataasiarluni)

Qinnuteqaatit aningaasartuutaasussat Inatsisartunut maannakkorpiq ilaasortasunit nassiunneqartut kisiisa Siulittaasoqarfiup akuerisinnaavai. Taamaallutik ilaasortat sulinngiffeqarallartut qinnuteqaatimik akuerineqarnissaat naatsorsuutigisinnaanngilaat. Tamatumali peqatigisaanik qinnuteqaatit akuerinissaat Siulittaasoqarfiup pisussaaffiginngilaa. Tamannarpiarlu pissutigalugu Inatsisartunut ilaasortap qinnuteqaatimi akuerineqarnissaa piumasaqaatigisinnaanngilaa.

Inatsisartut Siulittaasoqarfiat partiit kattusseqatigiilluunniit Siulittaasoqarfimmi ilaasortaataqanngitsut tamarmik immikkut sinniisuutitaat Inatsisartunit qinikkat peqatigalugit Inatsisartut Suleriaaseq pillugu Ataatsimiititaliaattut atuuppoq. Ataatsimiititaliap Inatsisartut Suleriaasiannut siunnersuutit aammalu Inatsisartut Suleriaasiata allannguutissaatut siunnersuutit suliarisarpai (tassa imaappoq taakku pillugit isumaliutissiissuteqartarluni). Inatsisartut Suleriaasiannut siunnersuutit aammalu Inatsisartut Suleriaasiata allannguutissaatut siunnersuutit Siulittaasoqarfimmit saqqummiunneqassapput.

Siulittaasoqarfimmut saaffiginnissutit - ilaasortanut ataasiakkaanut nassiunneqaratik - uunga nassiunneqassapput; **ina@ina.gl**. Saaffiginnissutit piffissaalluarterillugu, minnerpaamillu nalunaaquttap akunnerinik 24-nik piffissaqartitsilluni nassiunneqassapput.

4

Inatsisartut
ataatsimiittarneri

Qinersisoqareernerani piaarnerpaamik kingusinnerpaamillu ullut 45-t qaangi-unneranni Inatsisartut inissitsiterfiusumik ataatsimiigiaqquneqassapput. Aallavittut Inatsisartut ukiuanni Inatsisartut ukiumut marloriarlutik ileqquusumik ataatsimiittarput (upernaakkut ukiakkullu) – aammali Inatsisartut Siulittaasuata pisariaqarsorigaangagu immikkut ittumik ataatsimiitinneqarsinnaasarlutik. Kiisalu Naalakkersuisut Siulittaasuata imaluunniit ikinnerpaamik Inatsisartunut ilaasortat affaasa piumasarippassuk Inatsisartut ataatsimiigiaqquneqassapput.

Inatsisartut ataatsimiinnerisa qanoq sivilutigisumik ingerlanneqartarnerannut tunngatillugu pingaartumik oqaluuserisassani immikkoortut ilanngunneqartut amerlassusiat apeqqutaasarpoq. Tunngaviusumik isigalugu Inatsisartut ileqquusumik ataatsimiittarneri taakku marluk ataatsimoortikkaanni Inatsisartut ukiuat tamakkerlugu ingerlanneqarsinnaapput.

Namminneq nalunneqatiginnissuseq

Inatsisartunut ilaasortat sulinerminni namminneq nalunneqatiginnissusertik kisiat tunngavigissavaat. Taamaalilluni ilaasortaq nammineq nalunneqatigin-nissutini isummanilu tunngavigalugit qanorluunniit taasisinnaavoq – tak. Inatsit Tunngaviusoq (§ 56) kiisalu Inatsisartut Naalakkersuisullu pillugit Inatsisartut inatsisaat (§ 5). Ilaasortarli amerlanertigut partiimi qinersisimilu isumaqatigisin-naasaanik taasisarpoq.

Inatsisartunut ilaasortat namminneq nalunneqatiginnissuserminnik taamaal-laar tunngaveqarnerisa aamma nassatarisaanik ilaasortap partiimut qinerne-qartup partiiminilli anisup ilaasortaanini (tassa imaappoq Inatsisartuni atuuffini) paariinnartarpaa.

Oqaluuserisassani immikkoortut

Inatsisartut ataatsimiinnissaat sioqqullugit oqaluuserisassat suliarineqartarput. Oqaluuserisassat Inatsisartut ataatsimiinnissaannik immikkoortunillu oqaluuserisassanut ilanngunneqartunik takussutissiipput. Inatsisartut ataatsimiittarfiani oqaluuserineqartut immikkoortunik taaneqartarput. Immikkoortut makku oqaluuserisassanut ilanngunneqarsinnaapput:

- Inatsisartut inatsisissaattut siunnersuutit
- Inatsisartut aalajangiiffisassaattut siunnersuutit, taakkunungalu ilanngullugit nunani tamalaani suliniaqatigiiffinnit kaammattuutit taparserneqarnissaannik siunnersuutit aammalu nunat tamalaat isumaqatigiissutaasa il.il. kiisalu danskit inatsisaasa Kalaallit Nunaannut atortussanngortitassat Inatsisartunit oqaaseqarfigineqarnissaat pillugit siunnersuutit
- Apeqquteqaat aallaavigalugu oqallisissatut siunnersuutit
- Nassuiaatit
- Ataatsimiititalianut, siunnersuisoqatigiinnut, aalajangiisartunut, Siulittaasoqarfimmut aamma Naalakkersuisunut ilaasortassanik qiner-sinerit


- Sapaatit akunnikkuutaartumik akunneq Naalakkersuisunut apeqquteqarfik

Inatsisissatut siunnersuutit aamma aalajangiiffigisassatut siunnersuutit oqaluuserineqartarnerannut tunngatillugu **titartakkat 1 aamma 2 takukkit**. Inatsisissatut siunnersuutit aamma aalajangiiffigisassatut siunnersuutit arlaleri-arlutik oqaluuserineqartarnertik taasissutigineqartarnertillu allaanerussutigaat.

Apeqquteqaalli aallaavigalugu oqallinnermi apeqqummut aalajangersimasumut Inatsisartunut Naalakkersuisunullu ilaasortat tunngaviusumik isummersuutiminnik saqqummiussisarput. Tamatumani apeqquteqaat aallaavigalugu oqallissisiaq inuiaqatigiinni annertuumik pingaaruteqarnermi saniatigut sammisamut maannakkut pineqartumut tunngassuteqartarpoq.

TAKUSSUTISSIAQ 1

Inatsisartut siunnersuut



**AAMMALI IMATUT
PISINNAAVOQ**

Soqutigisallit, suliniaqatigiiffiit, tusagassiorfiit innuttaasulluunniit inatsisip ilulissaanut akuerineqarnissaanulluunniit suliarinninnerup ingerlarn-gani tamarmi sunniuteqarniarsinnaapput. Taamaaliortarput Naalakker-suisut, partiit Inatsisartulluunniit ataatsimiititaliaani susassaqartumi sunniarnikkut. Sapinngisamik siusissukut sunniuteqarniaraanni sunniuteqarnissaq anginerussaaq.

Suliniaqatigiiffiit innuttaasullu ataatsimiititaliamut susassaqartumut sassarumallutik qin-nuteqarsinnaapput. Taamaaliornikkut uparuaatigiumasatik allannguutissatullu siunnersuutit imaluunniit siunnersuut akuerineqassappat naapertuutinnigitsut maluginiaqqusinnaavaat.

Pisortatigoortumik aalajangiiniarnerup ingerlanneqarnerata immikkoortuini tamani pisortatigiuunngitsumik ingerlatsineq pisinnaavoq.

Aappassaaneerinninneq

Inatsisissatut siunnersuummi im-
mikkoortut oqaluuserineqassapput.
Allannguutissatut siunnersuutaasin-
naasut taasissutigineqarput, soor-
luttaaq inatsisissatut siunnersuutip
tamarmiusup pingajussaaneerineqar-
nissaa taaasissutigineqartoq.
Ataatsimiititaliap isumaliutissiissutaa
oqaluuserinninnermut ilaatinneqas-
saaq.

Pingajussaaneerinninneq

Siunnersuut sivi-
kitsumik oqaluuse-
rineqarpoq.
Allannguutissatut siun-
nersuutaasinnaasut
taasissutigineqassap-
put, naggataatigullu
siunnersuut tamar-
muisoq taasissutigine-
qassalluni.

Siunnersuut Inat-
sisartuni amerla-
nerussuteqartunit
taperserneqanngilaq
atortussanngussa-
nanilu.

Ataatsimiititaliaq isu-
maliutissiissusiorpoq,
tassani siunnersuut
siuarsarneqarluni,
itigartinneqarluni ima-
luunniit allannguutis-
satut siunnersuummik
saqqummiussisoqar-
luni.

Siunnersuut ataatsi-
miititaliamut nutaamik
suliarineqartussatut
ingerlatinneqarsin-
naavoq, tamatumalu
kingorna ataatsimii-
titaliaq ilassutitut
isumaliutissiissute-
qarluni.

Siunnersuut
Inatsisartuni
amerlanerussuteqartunik
taperserne-
qarpoq akuer-
sissutigine-
qarlunilu.

Inatsisissatut
siunnersuut
atortussan-
ngortinneqar-
poq tamanullu
nalunaaruti-
gi-
neqarluni kiisalu
inatsimmi ullu-
liussaq naaper-
torlugu atuuti-
lerluni.


Soqutigisallit, suliniaqatigiiffiit, tusagassiorfiit innuttaasullu
naalakkersuinikkut partiini attaveqaatimikkut, aviisitigut
allaaserisaqarnikkut, oqallinnermi peqataanikkut oqallittarfikkullu tama-
nut ilisimatitsissuteqartarput.

Suliniaqatigiiffiit innuttaasullu ataatsimiititaliamut susassaqartumut sassarumallutik qin-
nuteqarsinnaapput. Taamaaliornikkut uparuaatigiumasatik allannguutissatullu
siunnersuutit imaluunniit siunnersuut akuerineqassappat
naapertuutinningsut maluginiaqquisinnaavaat.

Aalajangiiffigisassatut siunnersuutit

Siullermeerinninneq

INGERLARIAASEQ




AAMMALI IMATUT
PISINNAAVOQ

Soqutigisallit, suliniaqatigiiffiit, tusagassiorfiit innuttaasulluunniit aalajangiiffigisassatut siunnersuummik suliarinninnerup ingerlarngani tamarmi sunniuteqarniarsinnaapput. Taamaaliortarput Naalakkersuisut, partiit Inatsisartulluunniit ataatsimiititaliaani susassaqartumi sunniarnikkut. Sapinngisamik siusissukkut sunniuteqarniaraanni sunniuteqarnissaq anginerussaaq.

Suliniaqatigiiffiit innuttaasullu ataatsimiititaliamut susassaqartumut sassarumallutik qinnuteqarsinnaapput. Taamaaliornikkut uparuaatigiumasatik allannguutissatullu siunnersuutitik imaluunniit siunnersuut akuerineqassappat naapertuutینگitsut maluginiaqqusinnaavaat.

Pisortatigoortumik aalajangiiniarnerup ingerlanneqarnerata immikkoortuini tamani pisortatigiuunngitsumik ingerlatsineq pisinnaavoq.

Aappassaaneerinninneq



Soqutigisallit, suliniaqatigiiffiit, tusagassiorfiit innuttaasullu naalakkersuinikkut partiini attaveqaatimikkut, aviisitigut allaaserisaqar-nikkut, oqallinnermi peqataanikkut oqallittarfikkullu tamanut ilisimatitsis-suteqartarput.

Suliniaqatigiiffiit innuttaasullu ataatsimiititaliamut susassaqartumut sassarumallutik qinnute-qarsinnaapput. Taamaaliornikkut uparuaatigiumasatik allannguutissatullu siunnersuutitik imaluunniit siunnersuut akuerineqassappat naapertuutinningsut maluginiaqqusinnaavaat.

Nassuiaatit

Nassuiaat tassaavoq nalunaarut imaluunniit ilisimatitsissut. Naalakkersuisut namminneq kajumissutsiminnik pissutsit tamanut tunngasut pillugit nassuiaasi-orsinnaapput aammali – aalajangiiffigisassatut siunnersuummik akuersissute-qartoqarneratigut – pissutsit aalajangersimasut pillugit nassuiaasioqqullugit peqquneqarsinnaallutik. Nassuiaat taamaalilluni aallaavittut isumaqatiginniuti-gineqarneq ajorpoq taamaallaalli Inatsisartunut ilaasortanut agguanneqartar-luni. Nassuiaatilli ilaat Inatsisartut Ataatsimiittarfianni tamatigut oqaluuserine-qartarput:

1. Naalakkersuisut Siulittaasuata Inatsisartut ukiuata aallartinnerani Inat-sisartunut nassuiaataa (Aamma "ammaanersiorluni oqalugiaat"-mik taaneqartartoq)
2. Naalakkersuisut Siulittaasuata Inatsisartunut qinigaarlaanut nassuiaataa (Taamatuttaa "ammaanersiorluni oqalugiaat"-mik taane-qartartoq)
3. Nunanut allanut tunngasutigut naalakkersuinikkut ingerlatsineq pillugu nassuiaat

UNGALOQ 3: INATSISEQARTITSINERMI TULLERIIAARNERIT

Inatsisit aalajangersakkallu assignngitsut tunngavigalugit tulleriiaarnerit eqqor-tut taakkulu imminnut attuumassuteqarnerat

INATSIT TUNNGAVIUSOQ

|

INATSISIT

|

NALUNAARUTIT

|

KAAJALLAASITAT

|

ILITSERSUUTIT

Inatsiseqartitsinermi tulleriiaarinerup malitsigisaanik Inatsit tunngaviusoq – inat-sisinit, nalunaarutinit, kaajallaasitanit najoqqutassanillu salliullunilu pingarne-ruvoq. Taamatuttaaq inatsisit, nalunaarutinit, kaajallaasitanit iltersuutinillu il.il. pingaarnerupput.

Inatsit tunngaviusoq Danmarkimut, Savalimmiunut aamma Kalaallit Nunaannut atuuppoq. Kalaallit Nunaanni namminersorneq Inatsisip tunngaviusup killilius-saasa iluini namminersorneq pillugu (2009-mi) inatsisiliornikkut pilersinneqar-poq.

4. Aningaasaqarnikkut ingerlatsineq pillugu nassuiaat
5. Nassuiaatit inatsisit malillugit Naalakkersuisunit Inatsisartunut saqqummiunneqartussaataitasut, taakku isumaqatigiinniutigineqarnissaat Naalakkersuisunit kissaatigineqarpat.

Inatsisartut ileqquumumik ataatsimiinneranni oqaluuserisassani immikkoortoq aalajangersimasoq tassaavoq sapaatit akunnikkuutaartumik akunneq Naalakkersuisunut apeqquteqarfik. Akunneq apeqquteqarfik nalinginnaasumik pingasunnornikkut ingerlanneqartarpoq, tassanilu Inatsisartunut ilaasortat oqaasiinnartigut aamma nalunaarutigeqqaarnagu Nalaakkersuisunut ingerlaannaq akisassanik apeqquteqarsinnaapput. Naalakkersuisup pineqartup apeqqut ingerlaannaq akisinnaanngippagu Naalakkersuisup kingusinnerusukkut allakkatigut akissuteqarnissani toqqarsinnaavaa. Apeqqutit ataasiakkaarlugit ingerlanneqartarput, tamatumani partii anginerpaaq aallarniisuusarluni partiillu ataasiakkaat apeqqutini ataasiakkaani ataasiarlutik aperisinnaallutik.

Namminersorlutik Oqartussani pissaaneq inatsisiliortussaataitasunut (Inatsisartut) aamma atuutsitsisussaataitasunut (Naalakkersuisunut) agguataagaavoq. Tassa imaappoq Inatsisartut inatsisinik akuersissutiginnittarput tamatumalu kingorna inatsisit Naalakkersuisunit atuutinneqartarlutik. Tamatumani Naalakkersuisut – inatsisit tulleriiaarneqarnerisa malitsigisaanik - aalajangiisinnaattaapput, aalajangiinerilli inatsisinik tunngaveqassapput aammalu inatsisitigut killiliissanut Inatsisartunit aalajangersarneqartunut akerliunngilluinnassallutik.

Malittarisassanik erseqqinnerusunik aalajangersaaffiunermikkut nalunaarutit inatsimmik timitaliinnermut atorneqartarput. Nalunaarutit Naalakkersuisunit atuuttussanngortinneqartarput – taamaalillutillu oqartussaaffinnut Inatsisartunit Naalakkersuisunut ingerlatassanngortinneqartunut ilaallutik. Nalunaarutit inatsisit naapertorlugit oqartussaasunut innuttaasunullu pituttuisuupput – aatsaallu inatsimmi aalajangersakkakut tamatumunnga piginnaatitsineq ersarisu- mik allassimappat atuuttussanngortinneqarsinnaalluni.

Kaajallassitat imaluunniit atorfilinnut peqqussutit, soorlu aamma taamatut taaneqartartut, malittarisassat oqartussaasunut sammitinneqaraangata atorneqartarput. Kaajallaasitat / atorfilinnut peqqussutit innuttaasunut pituttuisuunngillat. Oqartussaasut kaajallaasitamik atuuttussanngortitsisut pisut ilaanni kaajallaasi- tamit immikkut ittumik akuersissuteqarsinnaasarput – aatsaalli tamatumunnga tunngavissaqarluarpat.

Ilitsersuutit najoqqutassalluunniit oqartussaasunut aamma innuttaasunut sam- mitinneqarsinnaapput. Malittarisassat imarisaannik tunuliaqutaannillu ilisimatit- sissuteqarnermi aammalu malittarisassat qanoq paasineqarlutillu aqutsivigine- qarnissaannik paasisutissanik nalunaarutiginninnermut atatillugu ilitsersuutitut ilusiliineq atorneqassaaq. Ilitsersuutit innuttaasunut pituttuisuunngillat.

Ilusiliinissamut piumasaqaatit

Immikkoortoq Inatsisartut ataatsimiinneranni ilanngunneqassappat ilusiliinissamut piumasaqaatit naammassineqarsimassapput. Ilusiliinissamut piumasaqaatit Siulittaasoqarfimmit aalajangersarneqartarnermik saniatigut Inatsisartut Suleriaasiatigut aalajangersarneqartarput. Ilusiliinissamut piumasaqaatit qaqugukkulluunniit atuuttut pillugit nassuiaat uani nassaarineqarsinnaavoq; www.ina.gl-imi

Makku immikkut maluginiagassaapput:

Inatsisissatut siunnersuutit

Inatsisartut inatsisissaattut siunnersuutit inatsisissatut ilusiligaassapput aammalu nalinginnaasumik nassuiaatitaqarlutillu immikkut nassuiaatitaqassapput, tassungalu ilanngullugu siunnersuutip aningaasaqarnikkut allaffissornikkullu kingunerisassai allaaserineqarsimassallutik

Tamatuma saniatigut inatsisissatut siunnersuuteqarnermi inatsisilerinermi teknikkikkut najoqqutassiat sukkulluunniit atuuttut malinneqassapput, taakku maanna tassaallutik "Retningslinjer om juridisk kvalitetssikring af lovgivning og regler" (Inatsisit malittarisassallu inatsisilerinikkut pitsaasusaannik qulakkeerinninnissaq pillugu najoqqutassiat), saqqummersitat sisamaat 2022-meersoq, kiisalu "Inatsisinik allaffissornikkullu peqqussutinik teknikkikkut aqqissuussisarnermut malittarisassat" 28. april 2023-meersut.

Aalajangiiffisassaut siunnersuutit

Inatsisartut aalajangiiffisassautut siunnersuutit aalajangiiffisassatut ilusiligaassapput, tassungalu ilanngullugu siunnersuutip aningaasaqarnikkut allaffissornikkullu kingunerisassaasa allaaserineqarnerannik imaqartumik tunngavilersuuteqassallutik.

Pissutsit qinigaaffiup ataatsip ingerlanerani Inatsisartunit siusinnerusukkut aalajangiiffineqareersut pillugit aalajangiiffisassatut siunnersuutinik ilanngussinissap Siulittaasoqarfimmit itigartinneqartarnera nalinginnaavoq. Pissutsit aalajangiiffisassatut siunnersuummik inatsisissatulluunniit siunnersuummik akuersissuteqarnikkut itigartitsinikkulluunniit Inatsisartut isummerfigereersimappatigut, isummerneq tamanna piffissap qinigaaffiusup sinnerani aallaaviatigut taamaalilluni ataqqineqartariaqarpoq. Taamaattorli aalajangiiffisassatut siunnersuut, assersuutigalugu misilitagarilikkat imaluunniit nassuiaatit nutaat nalilersuillunuunniit misissueqqissaarnerit aqqutigalugit, kingornatigut allannguuteqartinneqarsimappat immikkut ittumik isiginiarneqarsinnaavoq.

Aalajangiiffisassatut siunnersuut imatut ilusilerneqassaaq Naalakkersuisut qanoq peqquneqarnissaat siunnersuutigineqarnerseqq nallornissutaassanani. Ilusiliinissamik piumasaqaammi tassani isiginiagassat arlallit eqqumaffiginiarneqarput:

- Aalajangiiffisassatut siunnersuummi ersernerluttoqarpat siunnersuuteqartup kissatini angunngitsooratarsinnaavaa, siunnersuut akuerineqarluarpalluunniit

- Ersernerluttoqarnerata kingunerisinnaavaa Naalakkersuisut akissuteqaataata kukkusumik tunngaveqarsinnaanerani, siunnersuuteqartup siunnersuutaata kukkusumik paasineqarnerata kingunerisaanik, paasissutissallu Naalakkersuisunit Inatsisartunut tunniunneqartartut aalajangiinissamut tunngavissatut iluaqutaassanatik.
- Ersernerluttoqarnerata kingunerisinnaavaa siunnersuutaasoq Inatsisartuni partiit ilaasortaniillu oqallisigineqarsinnaammat assigiinngitsumik paasineqarluni.
- Ersernerluttoqarnera Naalakkersuisut Inatsisartut aalajangiineranik malinninnersut pillugu Inatsisartut Naalakkersuisullu akornanni aaqqiagiinngissuteqartoqarneranik nassataqaratarsinnaavoq.
- Siunnersuummi ersernerluttoqarnera Naalakkersuisut inatsisitigut illersugaanerata tamatuma peqatigisaanik sanngiillisissavaa, tassa Naalakkersuisunut ilaasortat Inatsisartut aalajangiigaannik malinninnginnermikkut ajornerpaamik pisoqarpat peqaatissineqarsinnaammat.

Naalakkersuisut iliuuseqarnissamik peqquneqarnissaannik qanoq siunnersuuteqartoqarnerasoq nalornissutaqqunagu aalajangiiffigisassatut siunnersuutip ilusilerneqarnissaani makku immikkut isiginiarneqassapput:

- Taasissutissaq paatsoorneqarsinnaananilu erseqqissuussasoq.
- Tunngavilersuut Naalakkersuisunut piumasaqaatinik taasissummut ilassutaasunik imaluunniit immikkoortunik Naalakkersuisut iliuuseqarnissamik peqquneqarnissaannik qanoq siunnersuuteqartoqarnerasoq pillugu nalornissuteqalersitsisinaasunik imaqqassanngitsoq.
- Aalajangiiffigisassatut siunnersuutip kalaallisuuata qallunaatuatalu imarisaat Naalakkersuisut iliuuseqarnissamik peqquneqarnissaannik qanoq siunnersuuteqartoqarnerasoq pillugu nalornissuteqalersitsisinaasunik assigiinngissuteqassanngitsut.

Inatsisartut aalajangiinerannik Naalakkersuisut naammassinninnissaannut killiliussamik aalajangiiffigisassatut siunnersuummi aalajangersaasoqarajuttarpoq. Inatsisissatut siunnersuummik nassuiaammilluunniit suliaqarnerup sivisusarnera nalinginnaasumik ukioq ataaseq tikillugu - taamatut piffissaliinerni eqqumaffigineqassaaq.

Inatsisartunut ilaasortat aalajangiiffigisassatut siunnersuutaat Naalakkersuisunut ingerlatinneqartassapput. Aalajangiiffigisassatut siunnersuutininik Siulittaasoqarfik inatsissanik aallartitseqqullugu peqqusiffiusunik saqqummiussisoqarsinnaanngilaq.

Apeqquteqaat aallaavigalugu oqallisissatut siunnersuutit

Apeqquteqaat aallaavigalugu oqallisissatut siunnersuutit aalajangersimasumik ilusiligaassapput, tassunga ilanngullugu tamanut attuumassutilinnut tunngasuussallutik.

Pissutsit piffissami qinigaaffiusumi ataatsimi apeqquteqaat aallaavigalugu

oqallisigineqareersimasut imaluunniit piffissami qinigaaffiusumi ataatsimi Inatsisartunit aalajangiiffigineqarsimasut pillugit apeqquteqaat aallaavigalugu oqallisissiatut siunnersuutit Siulittaasoqarfimmit itigartinneqartarnerat nalinginnaasuvoq.

Aalajangiiffigisassatut siunnersuutit

Aalajangiiffigisassatut siunnersuutitut allannguutissatut siunnersuutit kingusinnerpaamik ulloq suliarinniffissaq ullormik ataatsimik sioqqullugu kalaallisunngorlugit danskisunngorlugillu agguanneqarsimassapput.

Allannguutissatut siunnersuummik saqqummiussisoqassappat allannguutissatut siunnersuut siunnersuutaqaartumik siunertarineqartumik allannguisuusanngilaq. Tamanna isumaqarpoq allannguutissatut siunnersuut aalajangiiffigisassatut siunnersuummit ima allaanerutigisanngitsoq allaat siunnersuutitut nutaatut taaneqarsinnaalluni. Siunertarineqartumik allannguinnginnissaq pingaaruteqarmat tamatumunnga tamatuminnga qulakkeerinirlutit ataatsimiititaliat allatseqarfiinit ikiorserneqarsinnaavutit. Allannguutissatut siunnersuut akuersissutigineqartoq allannguinnginnissamilli piumasaqaammik naammassinninngitsoq Naalakkersuisunut inatsisitigut pituttuisuunngilaq.

Inatsisissatut siunnersuummut allannguutissatut siunnersuuteqarnermi inatsisilerinermi teknikkikkut najoqqutassiat sukkulluunniit atuuttut malinneqassapput, taakku maanna tassaallutik Naalakkersuisuneersut "Retningslinjer om juridisk kvalitetssikring af lovgivning og regler" (Inatsisit malittarisassallu inatsisilerinikkut pitsaassusaannik qulakkeerininnissaq pillugu najoqqutassiat), saqqummersitat sisamaat 2022-meersoq, kiisalu "Inatsisinik allaffissornikkullu peqqussutini teknikkikkut aqqissuussisarnermut malittarisassat" 28. april 2023-meersut.

Siunnersuusiordermi ikiorneqarsinnaaneq

Inatsisartunut ilaasortaq aalajangiiffigisassatut siunnersuutimi apeqquteqaalluunniit aallaavigalugu oqallisissiatut siunnersuutimi ilusilersorneqarnera pillugu ataatsimiititaliamut allatsimit qaqugukkulluunniit ikiorneqarsinnaavoq. Ilusiligaaneratali misissorneqarnissaanut siunnersuutip nassiunneqannginnerani partiip allattaannit suliamut naalakkersuinnermullu tunngasumik siunnersorneqaqaartarnissaq kaammattuutigineqarpoq. Piffissaalluartilugu kingusinnerpaamillu ataatsimiinnissaq sapaatit akunnerinik arfineq-marlunnik sioqqullugu saaffiginnittoqassaaq. Siunnersuutit ilusiligaanikkut misissorneqartussanngortitat ina@ina.gl-imut nassiunneqassapput.

Inatsisartunut ilaasortat inatsisissatut siunnersuutini aamma saqqummiussinnaapput. Tamannali qaqutigunnaq pisarpoq, inatsisissatut siunnersuummik suliaqarneq aalajangiiffigisassatut siunnersuummik suliaqarnerminngarnit piffissamik atuinnerummat kiisalu inatsisilerinikkut inatsisilerinermilu misissuinnikkut immikkut ittumik ilisimasaqarnissaq pisariaqarluni. Allattoqarfiup inatsisilerinermi immikkoortortaqaarfia pisuni ataasiakkaani inatsisissatut siunnersuusiortoqarnerani ikiuussinnaavoq. Tamatumanili inatsisissatut siunnersuutip annikinnerusup pineqarnissaa aammalu paasissutissatigut tunngavigine-

qartut pisariaqartut tamanit pissarsiarineqarsinnaanissaat piumasagaataavoq. Inatsisissatut siunnersuusiormi ikiorneqarnissaq kissaatigigaanni, Inatsisartut inatsisilerinermi pisortaat saaffigineqassaaq. Piffissaalluartillugu kingusinnerpaamillu inatsisissatut siunnersuutip saqqummiunneqarnissaa qaammatinik arfinilinnik - aqqaneq marlunnik sioqqullugu saaffiginnittoqassaaq.

Tatiginninnginnermik oqaluuserisassanngortitsineq

Tamatigut ataatsimiinnermik aqutsisumut kalaallisut danskisullu allaganngorlugu tunniunneqartassaaq kiisalu qarasaasiakkut Inatsisartut pisortatigoortumik e-mailiannut nassiunneqarsimassalluni.

Siunnersorneqarniarluni ilitersorneqarniarlunilu Inatsisartut Allattoqarfiannut saaffiginnittoqarsinnaavoq.

Nalunaarutiginninnissamut killissarititaasoq

Immikkoortut Inatsisartut ataatsimiinnissaanni oqaluuserisassanut ilanngunneqartussatut qinnuteqaatigisat Inatsisartut ataatsimiinnissaata aallartinnissaa kingusinnerpaamik sapaatit akunnerinik tallimanik sioqqullugu nal. 12.00 Inatsisartut Siulittaasuannut saqqummiunneqarlutilluunniit tunniunneqarsimassapput.

Apeqquteqaat aallaavigalugu oqallisissiatut siunnersuut kingusinnerpaamik Inatsisartut ataatsimiinnissaat apeqquteqaatip suliarineqarfissaatut kissaatigineqartup aallartinnissaa sapaatip akunnerinik marlunnik sioqqullugu nal. 12.00 Inatsisartut Siulittaasuannut tunniunneqareersimassaaq.

Immikkorluinnaq ittumik pisoqartillugu nalunaarutiginninnissamut killissarititaasumik qaangiinnissaq Siulittaasoqarfiup akuersissutigisinnaavaa, tassa pissutsit immikkorluinnaq ittut pissutigalugit nalunaarutiginninnissamut piffissaliussaq eqquutsinneqarsinnaanngitsoq Siulittaasoqarfik naliliippat.

Malugiuk, siunnersuutit tamarmik ukioq tamaat ingerlaavartumik tunngaviatigut tunniunneqarsinnaammata, siunnersuutilli Inatsisartut ataatsimiinnerisa aallartinnissaa sioqqullugu sapaatip akunnerinit tallimanit kingusinnerusukkut tunniunneqartut Inatsisartut ataatsimiinneranni pineqartumi immikkut akuersissuteqanngikkaanni ilanngunneqarsinnaanngillat, Inatsisartulli ataatsimiinnissaannut tullermut utaqqissunneqartariaqarlutik.

Piffissaliussap qaangiunnerani immikkoortut tiguneqartut Siulittaasoqarfimmi misissorneqassapput. Tamatumani immikkoortut ilusissatut piumasagaatinik naammassinninngitsut itigartitsissutigineqassapput. Tamatuma kingorna oqaluuserisassat immikkoortunik ilanngunneqartunik imaqartut Inatsisartut nittartagaannut ikkunneqassapput.

Inatsisartut ataatsimiittarfianni oqaluuserisassanik oqaluuserinninnermi ileqqorissaarnermut najoqqutassat

Ileqqorissaarnermut najoqqutassat Inatsisartunut ilaasortanut, sulisunut pulaartunullu tamanut atuuttut UNGALOQ 4-mi eqikkarlugit allattugaapput. Tamatumani ileqqorissaarnermut najoqqutassat inatsisartoqarnermi sulinerup torersumik aammalu avataaneersut Inatsisartunik ataqqinninnerannik innarliinngitsumik ingerlanneqarnissaanut peqataassapput.

Najoqqutassat pingaarnertit tassaapput:

- Ilaasortat Inatsisartut ataatsimiittarfianni ataatsimiinnerminni ataatsimiinnermi aqutsisup innersuussutai malittassagaat. Inatsisartut ataatsimiittarfianni ataatsimiinnermik aqutsisoq isornartorsiorneqarsinnaanngilaq. Inatsisartunut ilaasortap ataatsimiinnermi aqutsisup aqutsinera naammaginngikkuniuk tamanna kingusinnerusukkut Siulittaasoqarfimmut allakkatigut saaffiginissutigisinnaavaa
- Inatsisartunut Naalakkersuisunulluunniit ilaasortat Inatsisartut ataatsimiittarfianni isumaqatiginninniarnerni saqqummiussinnermi taaneqartut aqqi kinguliaqutaallu aamma taaguutaat (Naalakkersuisunut ilaasortamik innersuussisoqarpat) taaneqartassapput
- saqqummiussat nalinginnaasumik ikittuinnarnik issuaanertaqartassasut – tassami taakku Inatsisartut ataatsimiittarfianni uummaarissumik oqallinnermut siuarsaataasutut isigineqanngimmata. Ataatsimiinnermik aqutsisoq aatsaat akuersereerpat issuaasoqartassaaq. Tamatumani issuaq sumi aallartinnersoq naanersorlu – aamma issuaq sumit aaneqarsimanersaq erseqqissumik allassimassaaq. Paasissutissaassaaq tamanit pissarsiarineqarsinnaasuusooq, assersuutigalugu tusagassiorfinni allaaserisamit, nassuiaammit assingusumilluunniit tigulaagaasimassalluni. E-mail-

UNGALQ 4: INATSISARTUT ATAATSIMIITTARFIANNI ILEQQORISSAARNERMUT NAJOQQUTASSAT

1. Pulaartut, partiit sulisui atorfillillu qinnuivigineqarput eqqissimasumik ileqqorissaartumillu pissuseqaqqullugit ataatsimiittarfimmilu sulineq mianereqqullugu.
2. Oqarasuaatit, qarasaasiat angallattakkat il.il. ataatsimiittarfimmi nipeqartinneqassanngillat.
3. Ataatsimiittarfimmi pisariaqanngitsumik nipiliortoqaqqunagu ataatsimiittarfimmut isinnginnermi qaatiguut nasallu peereerneqassapput. Qaatiguunut taskinullu ilitsiviit boksit, inini qullerni allattoqarfimmut isaarissap eqqannguani nassaassaapput.
4. Pulaartut, partiit sulisuisa atorfillillu ataatsimiinnerit nalaanni matu majuartarfiit eqqaaniittoq atorsinnaanngilaat, tusarnaartulli eqqaaniittoq matu atussallugu.
5. Inatsisartut ataatsimiinneranni pulaartut, partiini sulisut atorfilittallu tusarnaartut issiavianniissinnaapput, ataatsimiittarfimmi issiavinni tunorlerni imaluunniit tusarnaartut inaanni issiavinni qullerni.
6. Imeruersaatit nerisassallu ataatsimiittarfimmut nassaqqusaanngillat aamalu imertoqaqqusaanngilaq nerisoqaqqusaananilu.
7. Ataatsimiinnerit nalaanni Inatsisartunut ilaasortat imermik imigassaqartarput aamalu Inatsisartut kaffisortarfiat quleriit allersaaniittoq atorsinnaallugu.
8. Tusarnaartut sineqqusaanngillat, tusarnaartulli inaannit nipituumik oqalun-

init, sms-init, nalunaarutinit allanillu inunnit namminerisamik pigisanit issuaasoqassanngilaq.

- saqqummiussinermi Siulittaasoqarfik, atorfilittat allalluunniit Inatsisartut Naalakkersuisullu avataanniittut isornartorsiorneqassanngitsut. Taamaalllutik pissutsit Siulittaasoqarfimmut tunngasut – Inatsisartut tusaamaneqarnerat eqqarsaatigalugu – tamanut ammasumik oqaluuserineqartussaannngitsutut isigineqarput. Aamma atorfilittanik allanillu isornartorsiuinerit pissusilersornerlunnertut isigineqarput. Taamaattoqartillugu atorfilittat imminnut illersornissaminnut periarfissaqarneq ajorput. Naalakkersuisut akisussaanerannik tunngavik naaportorlugu atorfilittat iliuusaannut Naalakkersuisoq/Naalakkersuisut Siulittaasuat maleruagassatigut naalakkersuinikkullu akisussaasuvoq.

Tusagassiortut Inatsisartut ataatsimiittarfianni najuussinnaatitaanerat pillugu paasissutissat erseqqinnerusut uani takuneqarsinnaapput; Inatsisartuni sulineq pillugu tusagassiortunut najoqqutassiaq, uani nassaassaassumi; www.ina.gl.

Siulittaasoqarfimmut allakkatigut saaffiginnissutit

Siulittaasoqarfimmut allakkiat kingusinnerpaamik qulequttap oqaluuserineqar-nissaa ullormik unnuamilu sioqqullugu tunniunneqarsimassaaq.

nissaaq, suaartarnissaaq, ersaartaannissaaq assigisaallu inerteqqutaapput.

9. Avataaneersut tamarmik politikkerinut ataatsimiittarfimmiittunut saaffiginninniarunik (pulaartut, partiit sulisui atofillilluunniit saaffiginninniarunik) betjenti isertarfiup eqqaani issiasoq aqqutigalugu saaffiginnissapput, taassumalu allagaq oqariartuut, pappiala atortussaaq imaluunniit oqaloqatiginninnissamik qinnuiviginninneq ilaasortamut anngutissavaa oqaloqati-giinnerlu tusarnaartut inaanni ataatsimiittarfiullunniit silataani pisinnaavoq.
10. Assiliisoqaaqqusaananilu videomik immiussisoqaaqqusaanngilaq.
11. Ataatsimiittarfimmi arpattoqaaqqusaanngilaq.
12. Inatsisartut ataatsimiittarfianni nasaqartoqaaqqusaananilu assingusumik atuisoqaaqqusaanngilaq.
13. Ataatsimiinnermik aqutsisup ataatsimiittarfimmi oqallinnermik malinna-anissaa pissutigalugu Inatsisartunut ilaasortaannngitsut aqutsisumut saaffiginninneri tamarmik betjenti aqqutigalugu pisassapput.
14. Oqaluttarfimmit oqaaseqartoq ataatsimiinnermik aqutsisuunngitsumit akornuserneqanngilluinnassaaq.
15. Ataatsimiinnermik aqutsisup eqqissisimaqqusinera ileqqorissaaqqusineralu malitsinniarlugu betjenti qaqugukkulluunniit ikiuutissaaq, betjentillu peqqu-sinera tusarnaartut malissavaat.

5

Ataatsimiititaliat

Inatsisartut ataatsimiititalianik tunngavimmikkut assigiinngitsunik pingasunik pilersitsisinnaapput. Tassalu ataatsimiititaliat inatsisit naapertorlugit pilersinneqartussat, ataatsimiititaliat ataavartut suliassa qarfinnik aalajangersima-sunik isumaginnittussat pilersinneqarsinnaapput, kiisalu ataatsimiititalianik suliassanik aalajangersimasunik suliagarasuartussanik pilersitsisinnaallutik. Suleriaaseq malillugu ataatsimiititaliat uku inatsisit naapertorlugit pilersinneqassapput: Nunanut Allanut Sillimaniarnermullu Ataatsimiititaliaq, Qiniga-nerup Misilinneqarnissaanut Ataatsimiititaliaq, Inatsisinut Ataatsimiititaliaq, Aningaasaqarnermut Ataatsimiititaliaq kiisalu Kukkunersui-nermut Ataatsimiititaliaq.

Ataatsimiititaliat aallaavittut tallimanik ilaasorta qartarput.

Immikkulli pisoqartillugu Inatsisartut Siulittaasoqarfia inassuteqarsimatillugu ataatsimiititaliamut ilaasortat arfineq-marlungorlugit amerlineqarsinnaapput. 2011-mi ataatsimiititalianut ilaasortat tallimaniit arfineq-marlunnut amerlineqarsinnaalermata tamatuma Inatsisartuni ataatsimiititaliat aqqaneq marlunniit tallimannngortillugit kattutsinneqarnerannut atatillugu atorneqarnissaa isumaliutigineqarsimavoq.

Pilersitsineq

Ataatsimiititaliat tamarmik Inatsisartunit ataatsimiittarfimmi ataatsimiinnermi pilersinneqartarput. Ataatsimiititalianut ilaasortassanik sinniisussanillu qinersineq oqaluuserisassani imm. 4-mi pisarpoq. Ataatsimiititaliat tamarmik inissitsiterfi-usumik ataatsimiinnermi pilersinneqartarput. Tamatuma kingorna Inatsisartut ukiuini tamani ukiakkut ataatsimiinnermi Nunanut Allanut Sillimaniarnermullu Ataatsimiititaliaq, Qiniga-nerup Misilinneqarnissaanut Ataatsimiititaliaq, Inatsisinut Ataatsimiititaliaq kiisalu ataatsimiititaliat ataavartut pilersinneqartarput, Aningaasaqarnermullu Ataatsimiititaliaq Kukkunersui-nermullu Ataatsimiititaliaq upernaakkut ataatsimiinnermi pilersinneqartarlutik. Tamatuma saniatigut ataatsimiititaliat tamarmik Naalakkersuisunik nutaanik toqqaasoqarnerani nutaamik pilersinneqarsinnaapput.

Ataatsimiititalianik pilersitsineq taamaalillunilu ataatsimiititaliani ataasiakkaani ilaasortassanik qinersineq qinerseqatigiittartut inassuteqarneri tunngavigalugit pisarpoq. Aallaavittut isigalugu partiit, kattusseqatigiit, attaviitsullu ataasiakkaat tassaapput qinerseqatigiittartut. Taamaattorli partiit, kattusseqatigiit attaviitsullu ataasiakkaat qinersisarneq pillugu suleqatigiinnissamik isumaqatigiissuteqarsinnaapput taamaalillutillu qinerseqatigiittartunngorlutik anginerusoq. Suleqatigiinneq taamaattoq ataatsimiittarfimmi ataatsimiinnnginnermi Inatsisartut Siulittaasoqarfianut nalunaarutigineqassaaq. Tamatuma saniatigut qinerseqatigiittartut ataasiakkaat ataatsimiititaliani ilaasortaata qarfissaminni ataasiakkaani ilaasortaatinniakkatik Siulittaasoqarfimmut nalunaarutigissavaat.

Qinerseqatigiittartut ataasiakkaat ataatsimiititaliami ilaasortaata qarfimminni ilaasortaataasa amerlassusiat d'Hondtip perusia naapertorlugu agguataarneqartarput. Qinerseqatigiittartut ataasiakkaat ilaasortaasa amerlassusii kisitsim-mik agguataasumik 1-imik, 2-mik, 3-mik, 4-imik, 5-imik il.il. agguarneqassapput; ataatsimiititaliami pineqartumi ilaasortaasussat amerlassusissaat naammatsillu-git. Taamaaliornikkut agguakkat inerner- ni arlallit anguneqassapput. Agguanerit

inernerit anginerit tallimat tamarmik immikkut ataatsimiititaliami inissamik ataatsimik naleqarput - ataatsimiititalianut arfineq marlunnik inuttalinnut aggornilersuinermit inernerit anginerpaat arfineq marluk atorneqqassapput. Aallartitanut tunngatillugu, aallartitat peqataasut katillutit qanoq amerlatiginerat najoqqutaralugu periuseq taanna aamma atorneqqartarpoq. Tamanna aamma Naalagaaffiit Peqatigiit ataatsimeersuarnerannut aallartitat eqqaassanngikkaanni aallartitanut atuuppoq, tak. kapitali 6.

Qinerseqatigiittartut arlallit assigiimmik kisitsisitalimmik angusaqarpata ataatsimiititaliami ilaasortatut inissaq makitsinikkut inuttalernerqassaaq. 2018-imi inissiterfiusumik ataatsimiinnermit partiit ilaasortaataaasa agguataarsimanerat matuma kinguliani assersuutitut takussutissiarineqarpoq.

TAKUSSUTISSIAQ 1

Ataatsimiititaliani inissat agguataagaanerit – qinersisarneq pillugu suleqatigiinnissamik isumaqatigiissuteqartoqarsimatillugu

Qinerseqatigiittartut	Ilaasortat	Kisitsisit agguaatit						
		1	2	3	4	5	6	7
S+N+A+NQ	16	16,00	8,00	5,33	4,00	3,20	2,67	2,29
D+SA+IA	15	15,00	7,50	5,00	3,75	3,00	2,50	2,14

Aggornerit **erseqqissakkat** tassaapput ataatsimiititaliami inissat tallimat siulliit. Aggornerit **uingatillugit ersarissaasikkat** tassaapput ataatsimiititaliaq arfineq marlunnik inuttaqarsimappat inissat kingulliit marluk.

TAKUSSUTISSIAQ 2

Ataatsimiititaliami inissat agguataagaanerit – qinersisarnermit suleqatigiinnissamik isumaqatigiissuteqartoqarani

Qinerseqatigiittartut	Ilaasortat	Kisitsisit agguaatit						
		1	2	3	4	5	6	7
S	9	9,00	4,50	3,00	2,25	1,80	1,50	1,29
IA	8	8,00	4,00	2,67	2,00	1,60	1,33	1,14
D	6	6,00	3,00	2,00	1,50	1,20	1,00	0,86
PN	4	4,00	2,00	1,33	1,00	0,80	0,67	0,57
A	2	2,00	1,00	0,67	0,50	0,40	0,33	0,29
SP	1	1,00	0,50	0,33	0,25	0,2	0,17	0,14
NQ	1	1,00	0,50	0,33	0,25	0,20	0,17	0,14

Aggornerit **erseqqissakkat** tassaapput ataatsimiititaliami inissat tallimat siulliit. Aggornerit **uingatillugit ersarissaasikkat** tassaapput ataatsimiititaliaq arfineq marlunnik inuttaqarsimappat inissat kingulliit marluk.

Takussutissiaq 2-mi takuneqarsinnaasutut qinersisarnerit eqqarsaatigalugit suleqatigiinnissamik isumaqatigiissuteqarsimasut arlallit aggornilersorneri assigiissinnaasarput. Taamak pisoqartillugu ataatsimiititaliamut ilaasortassaq kingulleq makitsinikkut toqqarneqartarpoq.

Ataatsimiititalianut tallimanik ilaasortalinnut ilaasortat tallimassaannik toqqaanermi aggornilersuineri ”4,00”-imik nalunaarsorneqartut akornanni makitsisoqartariaqassaaq (IA aamma PN).

Ataatsimiititalianut arfineq marlunnik ilaasortalinnut ilaasortat arfineq-marlus-aannik toqqaanermi aggornilersuineri ”3,00”-imik nalunaarsorneqartut akornanni makitsisoqartariaqassaaq (S aamma D).

Inissitsiterneq

Ataatsimiititaliat ataasiakkaat pilersinneqarnermik kinguninnguatiqut inissitsitertarput. Ataatsimiititaliat ullormi pineqartumi Inatsisartut ataatsimiittarfianni ataatsimiinnerup naammassinerata kinguninnguatiqut nalinginnaasumik inissitsitertarput. Suleriaatsimi § 11, imm. 1 naapertorlugu ataatsimiititaliap inissitsiterfiusumik ataatsimiinnerani siulittaasoq siulittaasullu tullia toqqarneqartarput. Taamaallullutik qinerseqatigiittartut anginerit ataatsimiititaliamut ilaasortat akornanni siulittaasumik toqqaasarput. Ataatsimiititaliap siulittaasuata tullia qinerseqatigiittartunit anginerpaanut tulliusunit ilaasortat akornanni toqqarneqartarpoq. Siulittaasutut siulittaasullu tulliatut toqqarneqartut qinerseqatigiittartunut toqqaasuusunut ilaasortaasariaqanngillat ataatsimiititaliamulli ilaasortaasussaallutik.

Ataatsimiititaliat Inatsisartut ataatsimiittarfianni ataatsimiinnerup ilaasortasanillu qinersinerup kinguninnguatiqut inissitsiterfiusumik ataatsimiinneri tamarmik minutsinit marlussunnit sivisuneruneq ajorput pilersaarullu ataatsimiititaliat Inatsisartut ataatsimiittarfianni pilersinneqarneranni Inatsisartut Allattoqarfiannit ilaasortanut agguanneqartoq malittarlugu.

Siunertat suliassa qarfiillu

Ataatsimiititaliat siunertaat Suleriaatsimi § 14-imi nassuiarneqarput. Ataatsimiititaliat ataavartut inatsisillu naapertorlugit pilersinneqartussat ataasiakkaarlutik suliassa qarfirminni makkuninnga suliassa qarput:

- siunnersuutini Inatsisartunit ataatsimiititaliamut suliassanngorlugit inner-suussanik suliarinnittarneq – tassa isumaliutissiissusiorneq
- suliassa qarfirmi iluani ingerlatsinerup ineriartorneranik malittarinninneq
- Naalakkersuisut inatsisitigut killissarititat iluanni ingerlatsinikkulluunniit ileqqorissaarnermut tunngatillugu killigitat iluanni ingerlatsinerat nakkutigissallugu

Siunertat taakku saniatigut Aningaasaqarnermut Ataatsimiititaliaq, Nunanut Allanut Sillimaniarnermullu Ataatsimiititaliaq, Kukkunersuinerimut Ataatsimiititaliaq kiisalu Inatsisinut Ataatsimiititaliaq inatsisit naapertorlugit ataatsimiititaliatut atuuffeqarnertik naapertorlugu immikkut ittunik arlalinnik suliassa qarput.

Ataatsimiititaliat ataasiakkaarlutik immikkut arlalinnik suliaasaqarfeqarput, taakkulu pingaarnersiorlugit nassuiarneqarput. Ataatsimiititaliat ataavartut ataatsimiititaliallu inatsisit naapertorlugit pilersinneqartussat aallaavittut arlalinnik suliaasaqarfeqartut ataatsimiititaliat sulinasuartussat aallaavittut suliaassamik aalajangersimasumik suliaqartussanngorlugit pilersinneqartarput. Ataatsimiititaliat inatsisit naapertorlugit pilersinneqartut suliaasaqarfiisa agguataagaanerat ilaatigut Suleriaatsikkut aalajangersagaapput. Suliaasaqarfiit sinnerisa agguataagaanerannut Inatsisartut sulinerisa inernerit tunngaviupput, taakkununga ilaallutik siunnersuutit piffissap ingerlanerani Inatsisartunit ataatsimiititalianut suliaassanngorlugit innersuunneqartartut.

Ataatsimiititaliat ataasiakkaat siunertaat suliaasaqarfiilu uani takuneqarsinnaapput; www.ina.gl.

Ataatsimiititaliap Siulittaasuata atuuffii

Ataatsimiititaliat inissitsiterneranni ataatsimiititaliap siulittaasuani siulittaasuatalu tulliani toqqaasoqartarpoq. Siulittaasup najuussinnaannginnerani siulittaasup tulliaat taarsertarpoq.

Ataatsimiititaliap Siulittaasua partiilersorfiunngitsumik tatigisatut toqqakkatut ataatsimiititaliamut siulittaasuvoq. Ataatsimiititaliap Siulittaasua ataatsimiititaliap avammut sinniisora, tamanna ilaatigut Naalakkersuisut, tusagassiorfiit inuiaqatigiillu tungaannut.

Ataatsimiititaliap Siulittaasua ataatsimiititaliap suliaassaminik isumaginninnerannut pingaarnertut akisussaasuvoq.

Ataatsimiititaliami sulinerup ataatsimiititaliami sulinermut killiliussatut malittarisassanik malinnilluni ingerlanneqarnera ataatsimiititaliap Siulittaasuani ataatsimiititaliap allattaanit siunnersorneqarluni ilitsersorneqarlunilu qulakkeerneqassaaq.

Siulittaasup pingaarnertut suliaassaa Suleriaatsimi § 11, imm. 2-mi aalajangersagaavoq – tassalu ataatsimiititaliap suliaani siuarsaanissaq. Ataatsimiititaliap siulittaasuata suliaassaa pingaarneq tassaavoq ataatsimiititaliap ataatsimiinnerini aammalu ataatsimiititaliap angalanerini pulaarnerinilu aallartitanut aqutsisuuneq. Ataatsimiititaliap suliaassa naammassineqarnissaat, ataatsimiititaliallu ingerlataanik nakkutiginninneq siulittaasup isumagisassarai.

Ataatsimiititaliap sinnerlugu allakkiaat assigiinngitsut ataatsimiititaliap siulittaasuani atsiorneqartarput – tamanna naak immaqqa imarisat pillugit ataatsimiititaliami tamakkiisumik isumaqatigiittoqanngikkaluartoq. Taamaalluni siulittaasoq ataatsimiititaliamut tamarmut siulittaasuvoq ataatsimiititaliallu suliaani ataqatigiissaarisuulluni, naalakkersuinikkut inissisimaffik apeqqutaatinnaq.

Ataatsimiititaliap Siulittaasua ataatsimiititaliap sulinerata ingerlanera pillugu oqaatsitigut allakkatigullunniit ilisimatitseqqullugu Inatsisartut Siulittaasuannit peqquneqarsinnaavoq.

Ataatsimiititaliap siulittaasuata suliat qulaani pineqartut pillugit ataatsimiititaliap allatseqarfianik ingerlaavartumik oqaloqateqartarnissaa naatsorsuutigineqarpoq.

Ataatsimiititaliap Siulittaasuata atuuffii pilugit paasisaqarnerujumalluni Ataatsimiititalianut ilitersuut takuneqarsinnaavoq

Ataatsimiititaliap allatseqarfia

Ataatsimiititaliat tamarmik allatseqarput oqalutseqarlutillu. Naak ataatsimiititaliap siulittaasua allatseqarfimmik qaninnerpaamik suleqatiginnittuugaluartoq ataatsimiititaliap allattaa suliat pillugit ilisimasani ataatsimiititaliamut ilaasortanut tamanut siunnersuinissamut piareersimavoq – tamanna aamma Inatsisartunut ilaasortanut allanut suliassaqarfik pillugu soqutigisaqartunut atuuppoq. Taamaattorli ataatsimiititaliap allatseqarfia naalakkersuinikkut periutsit naalakkersuinikkullu aalajangiinissat allat pillugit siunnersuineq ajorpoq.

Ataatsimiititaliap allattaa Inatsisartut Suleriaasiat naapertorlugu sulivoq – taamaallutillu siunnersuutit ataatsimiititaliamut suliassanngorlugit innersuunneqartut pingaarnersiunermit salliutinneqartarput. Tamatuma nassatarisaanik iliuusissat allat soorlu ataatsimiititaliap angalanissai sammisassallu allat Inatsisartut ataatsimiinneranni sulinermit toqqaannartumik attuumassuteqanngitsut isumaliutissiissusiornermit sanilliullugit tunulliunneqarsinnaapput. Tamatuma ataatsimiititaliamit akuersaartumik pissuseqarfigineqarnissaa naatsorsuutigineqarpoq.

Aallaavittut isigalugu atortussat ataatsimiititaliamut nassiunneqartut ataatsimiititalialluunniit allatseqarfianit suliarineqartut tamarmik ataatsimiititaliap allattaanit ataatsimiititaliap ilaasortanut tamanut sapinngisamik ataatsikkut nassiunneqartarput. Saaffiginnissutaasinnaasut ilaasortanit tiguneqartut ataatsimiititaliamillu tamarmiusumit suliarineqartussatut kissaatigineqartut, ilaatigut nalunaarsuinissaq eqqarsaatigalugu ataatsimiititaliap allatseqarfianut nassiunneqartariaqarput.

Ataatsimiititaliap ataatsimiinnera

Ataatsimiititaliat ataatsimiinneri tamarmik oqaluuserisassat siumungaaq agguanneqarsimasut naapertorlugit pisarput. Ataatsimiititaliap ataatsimiinnera sapinngisamik pitsaasumik sukumiisumillu ingerlanneqarsinnaaqqullugu oqaluuserisassat taakkulu imarisaat ilanngussat ilanngullugit ataatsimiititaliamut ilaasortanit sukumiisumik misissoreerneqarsimallutillu malinneqarnissat pingaaruteqarpoq. Taamaaliornikkut oqallisigisani pingaartinneqartut inerniliinerillu pillugit isumaqatigiinnissaq ataatsimiititaliap ilaasortaanut kiisalu ataatsimiititaliap aalajangiussaani allatseqarfiup malitseqartitsinissaa ajornannginnerussaaq. Ataatsimiinnerni oqallinnerit pisariaqanngitsumik uteqattaariffiulerpata, naammassisaqarfiunngippata sammisarluunniit piunnaarlugu allamut saaqattaarfiupata ataatsimiititaliap siulittaasua akuleruttariaqarpoq.

Oqaluuserisap naammassinerani ataatsimiinnermik aqutsisup inaarutaasumik aalajangiussaq imaluunniit inerniliineq pillugu naatsumik eqikkaasarnera ileqquvoq pitsaasoq. Tamanna naalakkersuinikkut aalajangiussat malitseqartinneqarnissat qulakkeerniarlugu taamatullu allatsi ataatsimiititaliap oqallisigisaani aalajangiussat pillugit imaqarniortoq eqqarsaatigalugu.

Ataatsimiititaliamut ilaasortat tamarmik ataatsimiinnermi atortussanik qaraasaakkoorlugu nassinneqartarput mailikkullu ataatsimiinnissap inniminneqarnera pillugu nalunaarfigineqartarlutik. Siulittaasup ataatsimiititaliallu

allattaata ataatsimiititaliap suliaanik nakkutiginnissinnaanerit eqqarsaatigalugu ataatsimiititaliamut ilaasortat kaammattorneqarput qarasaasiakkut ataatsimiigaaqqusissutit akuerinerlugit/itigartinnerlugit mailikkut nalunaartaqqullugit. Inatsisartut ataatsimiinnerisa nalaanni ataatsimiititaliap ataatsimiinneri ataatsimiititaliat ataatsimiittarfiini pisarput. Inatsisartut ataatsimiinnerisa avataasigut ataatsimiititaliat ataatsimiinneri nalinginnaasumik oqarasuaatikkoorlugit pisarput. Ataatsimiititaliat ilaat aalajangersimasumik akuttussusilimmik ataatsimiittarput, allalli pisariaqartitsineq naapertorlugit ataatsimiittarlutik. Ataatsimiititaliap ataatsimiigaaqquneqarnissaanik ilaasortat arlaat kissaateqaruni, ilaasortaq tamanna pillugu ataatsimiititaliap siulittaasuanut allattaanulluunniit saaffiginnissinnaavoq. Taamatut kissaateqarnerup ataatsimiititaliamut ilaasortat sinnerinit itigartinneqanngisaannarnissaa kaammattuutigineqarpoq, tamatumunga ilanngullugu oqaluuserisassanut immikkoortumik ilanngussinissamik kissaateqarnermut, tamanna suliap oqallisiginissaa ajornanngippat.

Nalinginnaasumik nalunaaquttap akunnerani ataatsimi ataatsimiinnissamut piffissalisoqartarpoq, tamannalu eqquutsinniarneqartariaqartarpoq, tassami ataatsimiititaliat allat kingunitsiaatigut ataatsimiittussaasinnaasarmata. Ataatsimiinnerit nalunaaquttap akunneranit ataatsimit siviuserusussatut pilersaarutigineqartut, oqalutsi eqqarsaatigalugu minutsit 45-t ingerlareerneranni unillatsiarfiusassapput. Tamanna aamma ataatsimiinnernut sivitsortoortunut atuuppoq.

Ataatsimiititaliamut ilaasortaq ataatsimiititaliap ataatsimiinnissaanut pilersaarutigineqartumut peqataasinnaangikkuni nammineerluni sinniisussami aggersarneqarnissaanut ataatsimiinnermilu atortussanik tunineqarnissaanut akisussaasuvoq. Maluginiaqquneqarpoq ataatsimiititaliami pineqartumi sinniisussamik aggersaasarnermut immikkut maleruagassaqaarsinnaammat – tamanna ilaatigut ataatsimiititaliap suleriaasiani allassimassaaq. Sinniisussaq peqataasinnaangippat partii/kattusseqatigiit /attaviitsoq immikkut sinniisuliinnissamik Siulittaasoqarfimmut qinnuteqarsinnaavoq.

Ataatsimiititaliaq "qaammatisiummik ukiumoortumik" assingusumilluunniit atuilluni suliasaminik pilersaarusiorduarsinnaavoq – tamanna ataatsimiititaliap siulittaasuata allatsillu ataatsimiititaliap suliaanik tamanik nakkutiginnissinnaanerit malitseqartitsarnissaallu qulakkeerniarlugit.

Ataatsimiititaliap sakkussai

Ataatsimiititaliaq arlalinnik atorsinnaasaminik sakkussaqarpoq, taakku matuma kinguliani nassuiaatigineqarput. Peqatigisaanik Inatsisartunut ilaasortat tamarmik partiillu allatseqarfii Inatsisartut Allattoqarfiaata qarasaasiakkoorlugit allagaateqarfianut ugguuna isersinnaapput; **intra.ina.gl**.

Ataatsimiititaliamut aningaasartuuteqarfiusumik sammisaqarluni iliuuseqarniarnermut, Inatsisartut Siulittaasoqarfiannut sioqqutsilluni aningaasanik atuisinnaanermut qinnuteqartussaaneq ataatsimiititalianut tamanut atuuppoq. Aningaasanik atuisinnaanermut ilaatigut piumasaqaataavoq iliuuseriniarneqartup ataatsimiititaliap siunertaanut suliasaqarfianullu attuumassuteqartusaanera. Ataatsimiititaliat tamarmik, ataatsimiititaliap qanoq tunngaveqarnera qassinillu ilaasortaqarnera apeqqutaatillugit aningaasanik aalajangersimasumik

amerlassusilinnik siumungaaq atugassinneqartarput. Tamatumani pineqarput aningaasat aalajangersimasumik amerlassusillit qinnuteqarfigineqarsinnaasut – ataatsimiititaliaq aningaasat pineqartut tamaviisa atornissaannik imaaliinnarluni piumasaqaateqarsinnaanngilaq. Ataatsimiititalianut ataasiakkaanut missingersuutit ukioq aningaasaliiffiusoq malippaat, aningaasartuutillu ukioq aningaasaliiffiusumi sammisanut atorneqartariaqarput. Ukioq aningaasaliiffiusumiit ukioq aningaasaliiffiusumut allamut aningaasanik nuussisoqarsinnaanngilaq. Taamaalillutik aningaasat atorneqanngitsut ileqqaarutigineqarsinnaanngillat.

Isumaliutissiissut

Ataatsimiititaliaq Inatsisartut inatsisissaattut siunnersuutininik imaluunniit aalajangiiffigissassatut siunnersuutininik ataatsimiititaliamut suliassanngorlugit innersuunneqarsimasunik suliarinninnertik pillugu isumaliutissiissutikkut nassuiaateqartarput. Siunnersuut Inatsisartunit ataatsimiititaliamut suliassanngorlugu innersuunneqarpat, taanna pillugu isumaliutissiissuteqarnissani ataatsimiititaliaq pisussaaffigaa (siunnersuut Inatsisartut Suleriaasianni § 38, imm. 5 naapertorlugu inatsisartut ukiuata naanerani imaluunniit qinersisoqarnissaanik nalunaaruteqartoqarnerani atorunnaarsimanngippat). Inatsisissatut imaluunniit aalajangiiffigissassatut siunnersuut siullermeerneqarnermi kingorna ataatsimiititaliamit suliarineqartussanngorlugu innersuunneqartoq ataatsimiititaliaq isumaliutissiissusioqqaatinngagu aappassaaneerneqarsinnaanngilaq. Tamanna aamma atuuppoq inatsisissatut siunnersuutit aappassaaneerneqarnermik kingorna ataatsimiititaliamit suliarineqartussanngorlugit innersuunneqartut pingajussaaneerneqarnissaat eqqarsaatigalugu.

Isumaliutissiissuttip imarisarpari siunnersuuttip kingunissaanik ataatsimiititaliaq misissuisimasinnaanera, naalakkersuinikkut isumaliutigisai kiisalu inaarutaasumik Inatsisartunut inassuteqataa. Inassuteqaatikut siunnersuuttip allannguutisatullu siunnersuutaasimasinnaasut akuersissutigineqarnissaanik/itigartinneqarnissaanik Inatsisartut kaammattorneqartarput.

Ataatsimiititaliaq isumaliutissiissummigut nammineq allannguutissatut siunnersuumminik saqqummiussisinnaavoq. Ataatsimiititaliaq isumaqatigiittoq inassuteqarsinnaavoq, ataatsimiititaliarluunniit arlariinnut (amerlanerussuteqartunut ikinnerussuteqartunullu) avilluni inassuteqarsinnaalluni. Siunnersuummik suliarinninnermi inassuteqaataasinnaasut pillugit kapitali "Inatsisartut ataatsimiinnerat" takuuk. Siunnersuut ataatsimiititaliaq isumaliutissiissuteqareneratigut Inatsisartunit suliassanngorlugu ataatsimiititaliamut innersuussutigineqaaqqippat, ilassutitut isumaliutissiissuteqarnissaq ataatsimiititaliaq pisussaaffigaa. Innersuusseqinneq allannguutissatut siunnersuutaasimasinnaasunik imaluunniit paasissutissanik attuummassutilinnik nutaanik saqqummertunik suliarinninnissamik kissaateqartoqarneranik tunngaveqakkajuppoq.

Sassartitaqarneq

Immikkoortoq Avataaniit ataatsimiititaliamut saaffiginnissutit takuuk.

Tusarniaaneq

Inatsisissatut siunnersuutit tamarmik Inatsisartunit ataatsimiittarfimmi oqaluuserineqannginnerminni aallaavittut siunnersuuteqartumit tusarniaassutigineqa-

reersimasarput. Tusarniaaneq tamakkiisuunngitsumik ingerlanneqarsimasoq Inatsisartunit nalilernerqarpat ataatsimiititaliap inatsissatut siunnersuummik suliarinnittussanngorlugu innersuussivigineqartup nutaamik tusarniaassutiginninnissamik sulissuteqartarnera ileqquvoq.

Allakkatigut tusarniaaneq nukippassuarnik atuiffiusarmat aallaavittut Naalakkersuisut tusarniaaqqullugit ataatsimiititaliamit qinnuigineqartarput. Ataatsimiititaliarli suliassaqarfimmini nammineerluni sammisaq tamanut attuumassutilik pillugu tusarniaasinnaavoq. Taamaattorli tusarniaaffigineqartut isummer-suutinik saqqummiussinissamik ataatsimiititaliamit peqquneqarsinnaanngilat. Ataatsimiititaliat tusarniaasarnerat qaqutigoorpoq, tamatumanimi piu-masaqaataammat aningaasanik atuisinnaanermut Siulittaasoqarfimmut siumut qinnuteqareersimanissaq, tamatumani aamma ataatsimiititaliap allatseqarfiani nukissat killeqarnerat eqqarsaatigalugu.

Ilisimatitsiffiusumik ataatsimeeqateqarnerit pulaarnerillu

Illuatungerisanik attuumassuteqartunik ilisimatitsiffiusumik ataatsimeeqateqarnerit taamatullu paasisassarsiorluni pulaarnerit ataatsimiititalianit ataasiak-kaanit ilisimasani sammisamat attuumassutilinnik pissarsiniarfittut ator-neqartarput. Ataatsimiititaliat illuatungerisanik avataaneersunik imaluunniit Naalakkersuisunik ilisimatitsiffiusumik ataatsimeeqateqarsinnaapput. Ilisimatitsiffiusumik ataatsimeeqateqarnerit/paasisassarsiorluni pulaarnerit ataatsimiititaliat ataatsimiittarfiini imaluunniit illuatungerisani avataaneersuni pisinnaap-put, assersuutigalugu ataatsimiititaliap paasisassarsiorluni angalanerani.

Ilisimatitsiffiusumik ataatsimeeqateqarnerit pulaarnerilluunniit ataatsimiititaliap imaluunniit illuatungerisap avataaneersup qinnutiginninneratigut pisinnaap-put. Ataatsimiinnerni taamaattuni qulequtarineqakkajuttut tassaasarput Nam-minersorlutik Oqartussat suliffeqarfiutaanni periusissiat, peqatigiiffiup atuuffia, paasisitsiniaanerup imarisai il.il. Ataatsimiinnerit taamaattut amerlasuutigut sassartitaqarnernit siunersiuiernillu persuarsiorpalaannginnerusarput.

Siunersiuiernerit

Siunersiuiineq tassaavoq sammisaq apeqqulluunniit aalajangersimasoq siumut paasisutissiissutigineqareersoq pillugu Naalakkersuisumik Naalakkersuisunil-luunniit arlalinnik ataatsimeeqateqarneq. Naalakkersuisunut ilaasortamik siunersiuiernumt aggeqqusinissaq ataatsimiititaliamut ilaasortap kialuunniit siunnersuutigisinnaavaa. Naalakkersuisoq aggersarneqartoq siunersiuiernumt peqataasussaatitaavoq, taannalu atorfilittamik ataatsimik ingiallorteqarsin-naavoq. Ataatsimiititaliarli Naalakkersuisup pineqartup atorfilittanik arlalinnik ingiallorteqarsinnaanerani akuersisinnaavoq. Naalakkersuisunullu ilaasortaq tamanna pillugu siumut ataatsimiititaliamut qinnuteqassaaq. Naalakkersuisup aggersarneqartup atorfilittaminik attuumassuteqartut pillugit oqaaseqarsin-naatitsisarnera nalinginnaasuvoq. Naalakkersuisunullu ilaasortaq atorfilittap peqataasup oqaaseqaataanut akisussaasuvoq – taamaalillutik atorfilittanik oqaaserineqartut Naalakkersuisut akisussaanerannik tunngaviusut naapertor-lugit Naalakkersuisup aamma akisussaaffigai.

Siunersiuiernerit ataatsimiititaliat ataatsimiittarfiini nalinginnaasumik ingerlanne-qartarput. Ataatsimiititaliamut ilaasortat siunersiuiernerup aallartinnginnerani

ataatsimiittarfimmeereertariaqarput Naalakkersuisumillu atorfilittaaniillu tikilluaqqusinissaminnut piareersimallutik. Ataatsimiititaliamut ilaasortat ataatsimiititaliallu allatseqarfianeersut Naalakkersuisoq iserpat nikuissapput tikilluaqqullugulu.

Naalakkersuisup aggersarneqarsimasup apeqqutininut ataatsimiititaliamit siumut nassiunneqarsimasunut akissutissani oqaasissanut najoqqutassiami allassimasut saqqummiutissavai. Qanoq annertutigisumik saqqummiussinerup ingerlanerani ataatsimiititaliap apeqquteqarsinnaanera imaluunniit aatsaat najoqqutassiaq siuliani oqaatigineqartoq malillugu saqqummiussinerup naam-massinerani apeqquteqartoqassanersoq siumut isumaqatigiissutigineqartar-poq. Naalakkersuisunut ilaasortap ataatsimiititaliallu akornanni oqallisiginnin-nissaq/qulaajaanissaq siunersiuinerup siunertarimmagu, tamanna apeqqutininik teknikimut tunngannginnerusunik sammisaqarnissamut tulluarnertuvoq.

Siunersiuinerit ileqqusoq malillugu matoqqasuusarput, taamaattorlu Suleriaa-seq ammasumik siunersuisinnaanermik periarfissiivoq – tassa kikkut tamat peqataasinnaatillugit

Uani paasisaqarnerugit: <https://ina.gl/ataatsimiititaliat/>

Naalakkersuisunut allakkatigut apeqqutit

Assersuutigalugu suliassaqarfimmini ineriartornermik nakkutiginnikkumalluni Naalakkersuisullu inatsisinik atuuttunik ingerlatsinerannik nakkutiginnikku-malluni malinnaajumallunilu ataatsimiititaliaq Naalakkersuisunut allakkati-gut qaqugukkulluunniit apeqquteqarsinnaavoq. Ataatsimiititaliap apeqqutai Naalakkersuisunit akineqartussaataapput. Pisortalli namminersortulluunniit soqutigisaasa pingaaruteqarnerunerat pissutigalugu ataatsimiititaliap soquti-gisai tunulliuqqartariaqarpata, ataatsimiititaliap paasisutissanik pissarsi-sinnaanera Naalakkersuisunit killilernerqarsinnaavoq. Naalakkersuisut killiineq taamaattoq allakkatigut tunngavilersussavaat.

Ataatsimiititaliap inatsississatut imaluunniit aalajangiiffigisassatut siunnersuutininik suliarininneranut atatillugu ataatsimiititaliaq Naalakkersuisumut qaqugukkul-luunniit aamma apeqquteqarsinnaavoq.

Inatsisartut suleriaasianni nalinginnaasumi § 11 malillugu ataatsimiititaliamut ilaasortat tamarmik ataatsimiititaliaq aqqutigalugu Naalakkersuisunut sukkul-luunniit apeqquteqarsinnaapput. Ilaasortaq piginnaataaffimminik tamatuminn-ga atuerusuttoq ataatsimiititami amerlanerussuteqartunit taamaaliornissaminut killilersorneqarsinnaanngilaq. Ataatsimiititaliamut ilaasortap apeqqutai ataatsi-miititaliap allattaanut elektronisiusumik nassiunneqassapput, taassumalu ataatsi-miititaliamut ilaasortat sinnerinut nassiutissavaa sammisaq pineqartoq pillugu apeqqutininik allanik ilassuteqarnissaannik periarfissillugit. Apeqqutit ataatsimut allakkiami ataatsimiititaliap siulittaasuanit atsiorneqartussami ataatsimoortinne-qassapput.

Ataatsimiititaliat angalaneri

Ataatsimiititaliat ataatsimiititaliatut angalanissaminnut periarfissaqarput – tassa paasisassarsiorlutik nunatsinni nunaniluunniit allani angalasinnaallutik. Ta-matumaili Siulittaasoqarfiup akuersissuteqarnissaa pisariaqarpoq, soorluttaaq

ukiumi aningaasaliissuteqarfiusumi ataatsimiititaliap angalanerisa tamarmiusut ataatsimiititaliap ukiumoortumik missingersuutaanut killiliussat Siulittaasoqarfimmit aalajangersarneqartut qaangissanngikkaat. Ataatsimiititaliap Siulittaasoqarfimmut angalanissamik qinnuteqarnermini angalanermut atatillugu aningaasartuutit aammalu angalanerup siunertaa inarisassaattullu pilersaarutigtineqartut erseqqinnerusumik nassuiaatigissavai. Angalanermut atatillugu aningaasartuutit illersorneqarsinnaanersut aammalu angalanerup siunertaa imarisaalu tamatumunnga naapertuunnersut Siulittaasoqarfimmit nakkutigineqassapput. Aallaavittut isigalugu ataatsimiititaliat Inatsisartut ataatsimiinnerisa nalaanni angalaqqusaanngillat.

Ataatsimiititaliat angalaneri ataatsimiititaliap allattaanit ataqatigiissaarneqartaput. Ataatsimiititaliap allattaa ataatsimiititaliap angalanissaanik pilersaarusiorsinnaassappat, ilaasortat angalanermi kikkut suullu tikeraarnissaannik kissaati-minnik, tassungalu ilanngullugu tikeraarnissap siunertaanik erseqqissumik saqqummiussinissaat pisariaqarpoq. Bilitsinik inniminniineq, assigiinngitsunut isumaqatigiissuteqarneq il.il. suliaapput piffissartornartut nalinginnaasumilu Inatsisartut ataatsimiinneranni allatseqarfittut suliaassat isumagiutigalugit naammassiuminaatsut. Angalanermut pitsaasumut pissarsiaqarfiulluurtumullu piumasaqaatit immikkoortumi uani takukkit; **Siunnersuutit ataatsimiititaliani sulinermi iluaqutaasinnaasut.**

Ullormusiat, angalanermut naatsorsuutit il.il. pillugit paasissutissat mappersak-kami uani takukkit; **Aningaasarsiaqartitaaneq ineqartitaanerlu.**

Ataatsimiititaliap pineqartup angalanerani peqataanermut, sinniisussanik aggersaasarnermut il.il. malittarisassanik erseqqinnerusunik ataatsimiititaliat ataasiakkaat suleriaatsiminni aalajangersagaqarput. Taamaattorli sinniisussat ataatsimiititaliap angalanerani peqataanissaannut aningaasartuuteqartoqarsinnaanersoq Siulittaasoqarfiup aalajangigassaraa.

Ataatsimiititaliap allattaa "angallassisutut" atuuppoq, taamaattorli assigiinngitsunik soorlu ullaakkut itersaanernik, pasinik, pappilianik, ataatsimiinnermi atorussat assilinerinik, angalanermi nassatanik, qimatanik il.il. isumaginnittussaaitaanani.

Ataatsimiititaliamut avataanit saaffiginnissutit

Ataatsimiititaliat arlallit qinigaaffiup ingerlanerani innuttaasunit, peqatigiiffinit il.il. saaffiginnissutinik ingerlaavartumik tigusaqartarput. Saaffiginnissutit ilisimatitsissutinik nassitsisup ataatsimiititaliap ilaasortaanut ilisimassallugit tulluurtitaanik imaqarsinnaapput, aammattaarli ataatsimiititaliamit qisuariartoqarnissaanik kissaateqarnermik imaqarsinnaallutik.

Ataatsimiititaliat sulianik ataasiakkaanut tunngasunik suliaqarneq ajorput

Tamatumani ataatsimiititaliat nunap inatsisiliortuisa ataanniinnerat, taamaattumillu ataasiakkaat pillugit sulianik, suliani aalajangiinernik assingusunillu suliaqartuunnginnerat erseqqissaatigissallugu pingaaruteqarpoq. Aallaavittut isigalugu tamakkuninnga suliaqartussaataasut tassaapput Naalakkersuisut, pissaanermik atuutsitsisuusut. Taamaalluni ataatsimiititaliaq saaffiginnissutinik tunngaviusutut isigineqarsinnaasunik taamaallaat suliaqarsinnaavoq. Ataatsimiititalialli suliamik aalajangersimasumik ingerlatsinissaq toqqar-

pagu saaffiginnittup tamatuma nassataanik kingusinnerusukkut Inatsisartut Ombudsmandiannut naammagittaalliuteqarnissamut mattunneqarnissaa ataatsimiititaliamut nassitsisumullu erseqqissaatigissallugu pingaartuuvoq.

Saaffiginnissut ataatsimiititaliamik naapitsinissamik kissaataappat sassartinneqarnissamik qinnuteqaataagajuppoq. Sassartitaqarnermi sassartitaqartut assersuutigalugu kattuffik, innuttaasut ataatsimoortut assigisaallunniit - paasissutissanik ataatsimiititaliamut ilisimasaqarfigissallugit soqutiginaateqartitaminnik saqqummiussissapput. Sassartitaqartut paasissutissanik saqqummiussisarnerat kingornalu ataatsimiititaliamut ilaasortat qulaajaataasunik malitsitulluunniit apeqquteqartarnerat ileqquuvoq.

Inuiaqatigiit akornanni soqutigisaqartunit paasissutissanik ataatsimiititalianut tunniussinissamut sassartitaqartarneq sakkussaavoq – taamaalluni sassartitsinerup qanorpiaq imaqaarnissaa pinnagu sammisassap qulequtaa kisiat ataatsimiititaliap amerlanertigut ilisimasarpaa. Tamannalu tunngavigalugu ataatsimiititaliamut ilaasortat sassartitaqarfigineqarnerup nalaani sammisamut tunngatillugu isummersortariaqanngillat tapersiisariaqaratillu – taman-na avataaneersunik ataatsimeeqateqarnernut/pulaarteqarnernut tamanut atuuppoq. Ataatsimiititaliap sammisag pillugu ataatsimut isummernerminik sulioqallisinissimanninnera tamatumunnga pissutaavoq. Tamatuma saniatigut ataatsimiititaliamut ilaasortat sammisag pillugu naalakkersuinikkut tunuliaqutaminnik eqqartueqateqarnissamut sulio periarfissaqarsimannngillat.

Isertuussisussaataaneq [2023-mi februaarimi allannngortinneqartoq]
Ataatsimiititaliap sulinera pillugu nipangersimasussaataaneermik apeqqut nalinginnaasumik apeqqutinik amerlasuunik pilersitsisarpog. Ataatsimiititaliap sulineranut tunngatillugu ilaasortat nipangersimasussaataaneerisa kingunerimatum kinguliani pingaarnertut nassuiaatigineqarput.

Inatsisartut Suleriaasianni § 13 ima oqaasertaqarpoq:

”§ 13. Ataatsimiititaliami oqaluuserineqartut tamanut tusarliunneqaqqusaanngillat.

Imm. 2. Ataatsimiititaliarli aalajangersinnaavoq nalunaarutit aalajangersimasumik annertussusilerlugit killilikkat tamanut tusarliunneqarsinnaasut.”

Aalajangersagaq pineqartoq ima nassuiaatitaqarpoq:

”§ 13, imm. 1 suleriaatsimi atuuttumi § 13, imm. 1 assigaa. Ataatsimiititaliami ilaasortaq – § 12, imm. 1-imi aalajangersagaq apeqqutaatinnagu – ilaasortap pineqartup ataatsimiititaliap ataatsimiinnerani nammineq isummani annitani tusarliutiguaannarsinnaavai, taamaattoorli ataatsimiititaliami ilaasortat allat ataatsimiinnermi oqaasii tusarliutiginagit. Taamaalluni ataatsimiititaliami ilaasortap ataatsimiititaliap ataatsimiinnerani oqaaseqaatini ataatsimiititaliami ilaasortanit allanit tapersernejarsimanersut isumaqatigineqarsimann-ginnersulluunniit pillugu ataatsimiititaliami ilaasortaq pineqartoq oqaaseqaqqusaanngilaq.

Ataatsimiititaliami ilaasortap isumaqatigiinniarnerni isummani qanoq sunniuteqarsimanersut pillugu tamanut saqqummiukkusukkuniuk ataatsimiititaliat ataasiakkaat suleriaasiini aalajangersakkat naaportorlugu ilaasortap isum-

mani sammisaq ataatsimiititaliap oqaluuserisaa pillugu ataatsimiititaliap isumaliutissiissutaani amerlanerussuteqartutut ikinnerussuteqartutulluunniit oqaaseqaatit saqqummiussinnaavai.

§ 13, imm. 2 suleriaatsimi atuuttumi § 13, imm. 2 assigaa.

Suliat ataatsimiititaliap ingerlatai pillugit ataatsimiititaliat tamanut nalunaaruteqarsinnaanerata aalajangersakkakut qulakkeerneqarpoq. Tamanut nalunaaruteqarnissaq isumaqatigiinngissutigineqarpat tamanna pillugu taasinikkut aalajangiisoqassaaq."

Taamaalluni ataatsimiititaliamut ilaasortap nassuiaatit naapertorlugit allat avataaneersut oqaluttuussinnaavai suliaasaq ataatsimiititaliap oqaluuserisamasaa pillugu nammineq qanoq isummersimanerminik oqaaseqarsimanerminillu. Tassanili taamaallaat pineqarput nammineq isummat oqaaserisimasallu, taakkulu imatut oqaatigineqassallutik ersersinnagu allat qanoq isumaqarsimanersut oqaaseqarsimanersulluunniit. Tamanna immini mianersorfissaavoq.

Nipangiussisussaataaneq aalajangersakkap oqaasertai malillugit ataatsimiititaliami "oqaluuserineqartunut" atuuppoq. Ataatsimiititaliali oqaluuserinninnerani (isumaqatigiinniarnerani) sammineqartoq akerlianik (aallaavittut) nipangiussisussaataanermit ilaatinneqanngilaq. Taamaattoqaraluarpammi ataatsimiititaliamut ilaasortaq mattunneqassaaq isumaqatigiinniarnermi nammineq oqaaserisimasanik allanut ingerlatitseqqiisinnaanerminik.

Tamatuma malitsigaa ataatsimiititaliap oqaluuserisassai (nassuiaatitaqanngitsut) aallaavittut isertuussassatut isigineqarsinnaanngimata. Tamanna aamma atuuppoq atortussanut Naalakkersuisunit allaniluunniit avataaneersunit tiguneqarsimasunut.

Naak Naalakkersuisunut ilaasortaq Inatsisartunut ilaasortanut peqqussuteqarsinnaatitaanngikkaluartoq, nalinginnaasumik naatsorsuutigineqartarpoq ataatsimiititalianut ilaasortat atortussanut Naalakkersuisunut ilaasortap pineqartup isertuussassatut nalunaagaanut tunngatillugu ningangersimasussaataasut.

Taamaalluni paasissutissat atortussani naqitani Naalakkersuisunit "isertuussassatut" naqissuserneqarsimasuni ilaasut allatulluunniit isertussaassatut nalunaarneqarsimasut ataatsimiititaliani atortussanik tigusisuni ilaasortanit ingerlateqqinneqaqqusaanatillu issuarneqaqqusaanngillat. Tamanna aamma atuuppoq paasissutissanut paasissutissat pineqartut isertuunneqartussaaneerat nalunaarlugu Naalakkersuisunut ilaasortap ataatsimiititaliamut oqaasiinnaakkut paasissutissiissutigisimasaanut.

Paasissutissalli allat aamma Naalakkersuisunit erseqqissummik isertuussassatut nalunaarneqarsimanngikkaluartut nipangiussisussaataanermit ilaasinnaapput, paasissutissat isertuussassatut nalunaarneqarsimannginnerat kukkunermik tunngaveqartoq erseqqippat. Tamatumani minnerunngitsumik eqqarsaatigineqarput paasissutissat inunnet ataasiakkaanut tunngasut

kiisalu paasissutissat naalagaaffiup nunanut allanut tunngasutigut soqutigisaanut tunngasut.

Paasissutissat allanit Naalakkersuisuniunngitsoq ataatsimiititaliap tigusai taamatuttaaq isertuunneqartariaqarput paasissutissat isertuussassatut nalunaarneqarsimappata. Naak taakku aamma erseqqissumik isertuussassatut nalunaarneqarsimanngikkaluarpata taakku isertuunnissaannut pissutissaqarsinnaavoq taakku assersuutigalugu paasissutissanik inunnut ataasiakkaanut imaluunniit paasissutissanik naalagaaffiup nunanut allanut tunngasutigut soqutigisaanut tunngappata imaluunniit pisortat inuilluunniit ataatsiakkaat soqutigisaasa allatigut isiginiarneqarnissaannut tunngappata. Suliassat suliarineqartarnerat pillugu inatsimmi § 27, imm. 1, nr. 1-7-imi aalajangersakkat matumani ilitersuutitut atorneqarsinnaapput.

Paasissutissat erseqqissumik isertuussassatut nalilernerqarsimanngikkaluarlutik isertuuttariaqarsinnaanerannik naliliinarneq ataatsimiititaliamut ilaasortamit allaffissornikkut inatsisilerinikkuulluunniit misilittagaqanngitsumit ajornarsinnaavoq. Ataatsimiititaliat allattaasa taamaattumik nalinginnaasumik ataatsimiititaliamut ilisimatitsissutigisinnaavaat paasissutissat isertuussassatut nalunaarneqarsimanngikkaluartut qaqugukkut isertuussassatut isigisariaqarnerannik.

Aningaasaqarnermut Ataatsimiititaliaq, Kukkunersuineranut Ataatsimiititaliaq aamma Nunanut allanut Sillimaniarnermullu Ataatsimiititaliaq eqqarsaatigalugit taakkununga nipangiusermannittussaatitaaneq eqqarsaatigalugu immikkut malittarisassat Inatsisartut Naalakkersuisullu pillugit Inatsisartut inatsisaanni aalajangersarneqarsimasut atuupput.

Ataatsimiititaliat ataasiakkaat suleriaasiini taamatuttaaq isertuussisussaatitaaneq pillugu aalajangersagaqarsinnaavoq.

Suliami peqataasinnaaneq/peqataasinnaannginneq

Pingaarnertut isigalugu peqataasinnaanermut apeqqummi pineqartarpoq inuk pineqartoq atuuffimmik inatsisit naapertorlugit isumaginnissinnaanersoq. Inatsisartunut ilaasortat peqataasinnaaneranunut apeqqut qinersinerup kinguninnguutigut ilaasortat ataasiakkaat qinigaasinnaaneranannik Qinigaanerup Misilinnerqarnissaanut Ataatsimiititaliap naliliineratigut nalinginnaasumik pisarpoq.

Soqutiginarnerusorli pingaarnerusorlu tassaavoq ataatsimiititaliap aalajangersimasumik suliaqarnerani ilaasortat peqataasinnaanngissinnaanerannik apeqqut. Sulianik suliarinnittarneq pillugu inatsimmi peqataasinnaannginnermut aalajangersakkat nalinginnaasut Inatsisartunut atuutinngillat. Inatsit Tunngavisoq, Inatsisartut Naalakkersuisullu pillugit Inatsisartut inatsisaat imaluunniit Inatsisartut Suleriasiat peqataasinnaannginneq pillugu malittarisassanik imaqanngillat.

Inatsisartunut ilaasortaq inatsisissatut imaluunniit aalajangiiffigisassatut siunnersuummik akuserseqataasinnaavoq imaluunniit itigartitseqataasinnaavoq, naak siunnersuut ilaasortamut pineqartumut taassumaluunniit qanigisaanut aningaasaqarnikkut aalajangersimasumik iluaqutissartaqaraluartuq ajoqutisartaqaraluartorluunniit.

Taamatuttaaq ataatsimiititaliamut tunngatillugu Inatsisartunut ilaasortaq peqataasinnaangitsutut nalinginnaasumik isigineqarsinnaanngilaq. Taamaatorli suliassani, ilaasortamut inuttut qanittumik toqqaannartumillu attuumassuteqartuni, ataatsimiititaliamit aalajangiiffigineqartussani Inatsisartunut ilaasortap attuumassuteqartutut immikkut illuinnartumik isigineqarsinnaanera mattutivinneqarsinnaagunangilaq. Tamatumani assersuutigalugu pineqarsinnaavoq Inatsisartunut ilaasortap unnerluutigineqarsinnaannginnerata atorunnaarsinneqarnissaa pillugu ataatsimiititaliaq inassuteqassatillugu imaluunniit suliame, Inernerani ilaasortamut aningaasatigut toqqaannartumik iluanaarutaasinnaasumi Aningaasaqarnermut Ataatsimiititaliaq aalajangiissusaatillugu. Apeqqulli nalorninartoqarpoq, taamaattumillu pisariaqalerfiatigut inatsisilerinikkut sukumiisumik naliliiffigineqartariaqassalluni. Tamanna manna tikillugu pisariaqarsimanngilaq.

Siunnersuutit ataatsimiititaliani sulinermi iluaqutaasinnaasut

Siunnersuutit arlallit ataatsimiititaliani sulinermi iluaqutaasinnaasut matuma kinguliani saqqummiunneqarput. Ataatsimiititaliat aaqqissuussinernut inuiaqatigiinnit avatangiiserisanit nunaniluunniit allaneersunit peqataaffigineqartunut peqataaneranni Inatsisartunut ilaasortat Inatsisartut Kalaallit Nunaallu sinnerlугit aallartitatut isigineqarnerat siunnersuutitut tunngaviutinneqarpoq. Siunnersuutilli aamma ataatsimiititaliat sulineranni ataatsimiititaliallu ataatsimiinneranni najoqqutassaapput.

1. Oqaluuserisassat ilanngussat ilanngullugit ataatsimiititaliat ataatsimiinneranni qitiulluinnarlutik najoqqutassaapput – taamaattumillu atuarluarneqareersimasariaqarlutik.
2. Aaqqissuussamut peqataalernermi pisussanut pilersaarut/ataatsimiigiaq-qusissut sukumiisumik atuaruk. Assersuutigalugu ataatsimiititaliap angalanerani pisussanut pilersaarut oqaluuserisassanik nalunaarsuiffittut isigineqarsinnaavoq taamaammallu aamma taamak sukumiitigisumik atuarneqartariaqarluni.
3. Eqeersimaartumik peqataanissannut piareersimagit.
4. Oqarasuaatit toqqorallaak. Naak sulininni oqarasuaat qarasaasiarsornikkut sakkussaq pitsaasuugaluartoq atorneqarnera sapinngisamik minnerpaaffimmiittariaqarpoq – tamanna ataatsimiititaliap nammineq ataatsimiinnerani minnerunngitsumillu avataaneersunik ataatsimeeqateqarnerani atuuppoq. Ataatsimeeqatitit eqiingasumik najuuffigikkut, ataatsimiinnerullu sunniutilimmik pitsaasuunissaanik qulakkeerinneqataagit.

Taamaakkaluartuq suliamik suliaqarnermi peqataannginnissani Inatsisartunut ilaasortap nammineerluni toqqarsinnaasarpaa. Taamatut aalajangersinnaaneq naalakkersuinikkut isigalugu kaammattuutigineqarsinnaavoq. Ataatsimiititaliamili amerlanerussuteqartut ikinnerussuteqartulluunniit Inatsisartunut ilaasortamik taamak ilioqqusillutik pinngitsaaliisinnaanngillat. Ataatsimiititaliap aalajangersimasumik suliaqarnerani apeqqut saqqummissagaluarpasit Siulittaasoqarfimmut saqqummiunneqarnissaa pissusissamisuussaaq. Tamatuma akerlianik ataatsimiititaliamut ilaasortaq tamatumunnga tunngavissaqarluanngikkuni peqataasinnaanngitsutut nalunaaruteqaannarnermigut suliap isummanik akerleriiffiusinnaasup suliarineqarnerani peqataanngitsoorsinnaanngilaq. Inatsisartunut ilaasortatut atuuffik qinikkatut pisussaaffiuvoq, taamaalillunilu suliap suliarineqarnerani ilaasortaq tunngavissaqarluanngikkuni peqataanngitsoorsinnaanngilaq.

5. Ataatsimiititaliap angalanerani pisussanut pilersaarummut uparuaatissaqaruit, missingiut tigugukku piaartumik tamanna pillugu Siulittaasumut ataatsimiititalialluunniit allattaanut erseqqissaateqarit. Naammaginngisaqarneq ataatsimiititaliap Siulittaasuanut allattaanulluunniit toqqaannarlugu oqaatigineqartariaqarpoq, ataatsimiititaliap pulaagaasa najuunneranni pinnani.
6. Ataatsimiititaliap ilaasortaatusut suliffeqarfinnik, suliniaqatigiiffinnik, innuttaasunik, nunani allani inatsisartunut ilaasortanik il.il. naapitsinermi ataq-qinnippalaarit. Ataqqinninneq nammineq 'nunagisami' takutinneqartariaqarsorisat naapertorlugu naapitannut ataqqinnigit. Ilaatigut torersumik pissusilersortussaaneq soqutiginnissutsimillu takutitsisussaaneq tamatuma nassataaa.
7. Ataatsimiititaliap ataatsimeeqatissaasa kikkuunerinik siumut paasiniaa reerit.
8. Isumaqatigiissutit malikkat – tamanna ataatsimiititaliami namminermit isumaqatigiissutinut, minnerunngitsumillu ataatsimiititaliap naapitaminut avataaneersunut isumaqatigiissutigisaanut atuuppoq.
9. Nunani allani ileqqulersuutit ileqqutoqqallu, nammineq nunanni sungiusimasannit allaanerusinnaasut ataqqikkat. Tamatumani nerisaqari-aatsit, saaffiginneriaaseq, ileqqulersorneq, assukkorsoriaatsit il.il. allaanerusut pineqarput.
10. Eqqaamallugu angallassinermi – assersuutigalugu kinguaattoortoqarnerani – Inatsisartunut ilaasortat allanit salliunneqartussaannngillat.

6

**Aallartitat,
siunnersuisoqatigiit
aalajangiisartullu**

Aallartitat

Aallartitaq/tat tassaavoq/pput Inatsisartunut ilaasortat nunat tamalaat akornanni suliniaqatigiiffinni ataatsimiinnernut, inatsisartoqarnikkut suleqatigiiffinni il.il. Inatsisartut sinnerlugit peqataasussatut toqqarneqartartut. Taamaallutik aallartitat tasaanngillat ataatsimiititaliat – imatut paasillugu aallartitat ingerlatsinermik (Naalakkersuisunik) nakkutilliisussaanngillat siunnersuutillu pillugit isumaliutissiissusiortussaanatik. Aallartitaqatigiinnik sisamanik Inatsisartut toqqaasarnerat ileqquuvoq:

Naalagaaffiit Peqatigiit Ataatsimeersuarnerat

Inatsisartut 1992 aallarnerfigalugu Naalagaaffiit Peqatigiit Ataatsimeersuarnerannut peqataasarpur. Ataatsimeersuarneq ukiumut ataasiarluni New Yorkimi pisarpoq – septembarimi aallartittumik. Ataatsimeersuarneq nunanit ilaasortaa-sunit tamarmiusunit 193-iusunit, naalagaaffimmi naalakkersuisunullu pisortaa-sunik aallartitaqakkajuttunit peqataaffigineqartarpoq. Ataatsimeersuarnerup immikkuullarequtigaa nunat tamarmik naligiinnerat – nuna ataaseq, taasineq ataaseq. Inatsisartut ilaasortanik marlunnik imminnut paarlakaattunik aallartitaqartarput – taamaallutik ilaasortat pineqartut avillutik Ataatsimeersuarnerup immikkoortuani siullermi aappaanilu peqataasarlutik.

Naalagaaffiit Peqatigiit Ataatsimeersuarnerannut aallartitassat sinniisussallu inissitsiterfiusumik ataatsimiinnermi Inatsisartullu ukiuata aallartinnerani qinnerneqartarput. Partiit sapinngisamik amerlanerpaat aallartitaqarnissamut periarfissikkumallugit suleriaatsimi § 26 a malillugu qinersineq paarlakaajaalluni peqataatitaqartarnermik najoqqutaqarluni pisarpoq.

Uani erseqqinnerusumik paasisaqarit: www.un.org/en/ga

Inuit Circumpolar Council (ICC)

Inuit Issittormiut Siunnersuisoqatigiiffiat ICC nunat tamalaat akornanni soqutigisaqatigiiffiuvoq Canadamit, Kalaallit Nunaannit, Ruslandimit (Chukotkamit) kiisalu USA-mit (Alaskamit) issittumi innuttaasunit (Inunnit) ilaasortaaffigineqartoq. Kalaallit Nunaata ICC-mut aallartitai 16-iupput taakkunannga pingasut Inatsisartunit toqqarneqartarput.

ICC-mut ilaasortassanik qinersineq Inatsisartunut qinersereermermi Inatsisartut inissitsiterfiusumik ataatsimiinneranni pisarpoq. Ilaasortat d'Hondtip periusia malillugu qinersiviusorlu naallugu atuuttumik qinnerneqartarput. Tamatumani ilaasortap Inatsisartunut qinigaasimanissaa piumasaqaataanngilaq.

Uani erseqqinnerusumik paasisaqarit: www.inuit.org

Nunat Avannarliit Siunnersuisoqatigiiffiat

Nunat Avannarliit Siunnersuisoqatigiiffiat Inatsisartut akornanni suleqatigiiffiunat Avannarliit Siunnersuisoqatigiiffiat Inatsisartut akornanni suleqatigiiffiuvoq Danmarkimiit, Finlandimiit, Islandimiit, Norgemiit Sverigemiillu kiisalu nunanit namminersorfiusunit pingasunit Kalaallit Nunaannit, Savallimmiunit Ålandi-miillu Inatsisartunut ilaasortanit 87-iusunit peqataaffigineqartoq. Inatsisartut marlunnik ilaasortaatitaqarput.

Nunat Avannarliit Siunnersuisoqatigiiffiannut ilaasortassat inissitsiterfiusumik

ataatsimiinnermi Inatsisartullu ukiuata aallartinnerani d'Hondtip periusia malillugu qinerneqartarput.

Nunat Avannarliit Siunnersuisoqatigiiffiat nalinginnaasumik ukiumut tallimariarluni ataatsimiittarpoq. Naalakkersuinikkut suliaqarneq ingerlaavartoq, partiikkaarluni suleqatigiinnerup saniatigut siunnersuisoqatigiiffiup ataatsimiititaliaani tallimani pisarpoq. Ataatsimiititaliaani nalinginnaasumik ukiumut marloriarluni ataatsimiittoqartarpoq. Nunat ataasiakkaat tulleriaarlutik siunnersuisoqatigiiffiup ataatsimiinnerinik ukiakkullu katersuunnerinik tikeraartitsisuusarput.

Siulittaasuuneq nunanit ataasiakkaanit ima tulleriaanilerlugu ukiukkaartumik tiggummineqartarpoq: Danmark, Finland, Norge, Sverige aamma Island.

Uani erseqqinnerusumik paasisaqarit: www.norden.org

Nunat Avannarliit Killiit Siunnersuisoqatigiiffiat

Nunat Avannarliit Killiit Siunnersuisoqatigiiffiat Inatsisartut akornanni suleqatigiiffiuvuq Kalaallit Nunaanni Inatsisartunit, Islandimi Altingimit kiisalu Savalimiuni Lagtingimit aallartitanit ilaasortaartoq. Aallartitat ataasiakkaat tamarmik arfinilinnik ilaasortaarput.

Ilaasortassanik qinersineq – Inatsisartut ukiuata aallartinnerani - d'Hondtip periusia malillugu pisarpoq.

Nunat Avannarliit Killiit Siunnersuisoqatigiiffiat, Siulittaasoqarfiup Siulittaasuisa paarlaattarnerinut assingusumik nikerartumik sumiiffilerneqartartumik ukiumoortumik ataatsimiittarnerup saniatigut, ukiumut ataasarluni aalajangersimasumik qulequtaqartitsilluni ataatsimeersuartarpoq. Nunat Avannarliit Killiit Siunnersuisoqatigiiffiat ukiumoortumik ataatsimiinnermini kaammattuutitut aalajangersagassanik akuersissuteqarsinnaavoq, kingorna nunat ataasiakkaat inatsisartuini suliassanngorlugit saqqummiunneqartussanik.

Nunat Avannarliit Killiit Siunnersuisoqatigiiffiat 2017 aallarnerfigalugu Issittumi Siunnersuisoqatigiinni alaatsinaatsutut inissisimalerpoq.

Uani erseqqinnerusumik paasisaqarit: www.vestnordisk.is

Siunnersuisoqatigiit aalajangiisartullu

Inatsisartut siunnersuisoqatigiinnut aalajangiisartunullu arlalinnut ilaasortassanik ataasiakkaanik inatsisit atuuttut malillugit toqqaasarput. Siunnersuisoqatigiinnut aalajangiisartunullu pineqartunut ilaasortat piffissami aalajangersimasumi atuuttussatut toqqarneqartarput, tamatumalu Inatsisartut qinikkatut atuuffiat malittariaqanngilaa. Tamatumani ilaatigut uku pineqarput Naartuersittarneq pillugu Naammagittaalliuteqartarfik, Avatangiisit Innarlit-saaliorneqarnissaat pillugu Naammagittaalliuteqartarfik aamma Pinerlunnernit Eqqorneqartunut Taarsiissuteqartarneq Pillugu Nævni. Siunnersuisoqatigiit aalajangiisartullu pilersinneqarsimasut piffissallu ilaasortassanik toqqaaffiit pillugit paasissutissat Inatsisartut nittartagaanni pissarsiarineqarsinnaapput.

KAPITALI 6

Pisut ilaanni tunngavissamillu erseqqinnerusumik aalajangersaasoqarsimatil-lugu inuit Inatsisartunut ilaasortaanngitsut siunnersuisoqatigiinni aalajangiis-artunilu assigiinngitsuni Namminersorlutik Oqartussat sinnerlugit ilaasortatut toqqarneqartarput. Taakku tassaasinnaallutik soqutigisaqatigiinnit suliffeqar-nermilu peqatigiiffinnit aalajangersimasunit assigisaannillu aallartitat.

7

§ 37 naapertorlugu
apeqqutit

Sulériaatsimi § 37 naapertorlugu Inatsisartunut ilaasortaq partiillu pisortat suliaasaataat pillugu Naalakkersuisunut apeqquteqarnikkut paasisutissanik pissarsiniarsinnaavoq. Apeqqut naatsuusaaq erseqqissumik allanneqarsimasalluni tunngavilersuummillu ilaqartinneqarluni. Apeqqut, Inatsisartut Siulittaa-suannut ingerlatinneqartussaq, naatsumik erseqqissumillu ilusilerneqassaaq tunngavilersuutitaqassallunilu. Apeqqut pasilleerpalaartuussanngilaq imaluunniit inuit ataasiakkaat pillugit sulianut tunngasuussanani. Tamatuma saniatigut apeqqutit ilusiligaanissaannut arlalinnik piumasaqaateqarpoq, takuuk [intra.ina.gl](http://www.ina.gl).

Apeqqut ersarissumik allanneqassaaq apeqqutillu qanoq paasineqarnissaa nalornissutaqqunagu oqaasertaliorneqassaaq.

Tunngavilersuut apeqquteqarnermut pissutaasunut tamakkiisunik itisiliinerussaaq. Naalakkersuisut tamakkiisumik akissuteqarnissamut sapinngisamik pitsaanerpaamik tunngavissaqartinneqarnissaasa qulakkeerneqarnissaa tamatumani siunertaavoq. Naalakkersuisut apeqqutigineqartumut tunngavigineqartoq ilisimagunikku paasisutissat sorliit akissuteqaammut ilanngunneqartussatut naleqquttuussanersut nalileruminartinnerussavaat.

Tunngavilersuut ilassutit apeqqutinik imaqartinneqassanngilaq aammalu arlalinnik ataatsikkut apeqquteqartoqarpat apeqqutit tamarmik immikkut normulersorneqassapput imaluunniit naqinnilersorneqarlutik (a, b, c...). Tamatumani siunertarineqarpoq Naalakkersuisut akissuteqaamminni apeqqutinik arajutsisaqannginnissaasa qulakkeerneqarnissaa.

Inatsisartunut ilaasortat tamarmik kiisalu partiit allatseqarfii Inatsisartut Allattoqarfiannut saaffiginninnermikkut ilusiliinissamut piumasaqaatinik naammassinninnissaq qulakkeerniarlugu siunnersorneqarsinnaallutillu ikiorserneqarsinnaapput. Ilusiliinissamut piumasaqaatit pillugit uani paasisaqarnerugit:

<https://www.ina.gl/gl/allagaatit/37-naapertorlugu-apeqqutit/>

Tamatuma kingorna apeqquteqartoq Naalakkersuisunit allakkatigut akissutissaaq. Nalinginnaasumik ullut suliffiusut qulit qaangiutsinnagit Naalakkersuisut akissuteqartussaapput. Tamanna ajornassagaluarpat Naalakkersuisunut ilaasortap akissuteqartussap apeqquteqartumut allakkatigut tamanna nalunaarutigissavaa. Kinguaattoornermut tunngavilersuut akissullu qaqugu naatsorsuutigineqarsinnaanersoq ilanngullugu nalunaarutigineqassaaq.

Akissuteqaat Naalakkersuisunut ilaasortamit atsiorneqarsimassaaq nalinginnaasumillu § 37 naapertorlugu apeqqutinut akissutit assigalugit kalaallisut danskisullu Inatsisartut Allattoqarfiannut tunniunneqassalluni.

Ilaasortat tamarmik § 37 naapertorlugu namminneq apeqqutitik ukiut ingerlanerini suliffeqarfiup iluani nittartakkakkut (intranettikkut) ingerlaavartumik malinnaaffigisinnaavaat.

8

Inatsisartuni partiit

Naalakkersuinikkut suliniaqatigiiffiit partiit atuuffiat

Tamat oqartussaaqataanerat aallaavigalugu aaqqissuussinermi naalakkersuinikkut suliniaqatigiiffiit partiit inissisimanerat Inatsisini Tunngaviusuni, Namminersornerulluni Oqartussaaqatigisimalluunniit Namminersorluni Oqartussaaqatigisimalluunniit inatsimmi oqaatsimik ataatsimilluunniit taaneqanngilaq. Taamaakkaluartoq partiit qitiusumik inissisimapput. Inatsisartunut ilaasortat amerlanerpaartat partii sinnerlugu qinigaapput.

Naalakkersuinikkut suliniaqatigiiffik partii tunngaviusumik isigalugu inuinnarnit peqatigiiffiuvoq pissutsit assigiinnigitsut pillugit assigiinnik isummersuuteqartunik aammalu Inatsisartuni kommunalbestyrelsiniluunniit aalajangiunneqartartut pillugit sunniuteqarnissamik kissaateqartunik ilaasortalik. Partiimi ilaasortanngornikkut naalakkersuinermillu ingerlatsinermi eqeersimaartumik peqataanikkut innuttaasooq peqatinilu najukkani nunalu tamaat isigalugu inuiaqatigiit qanoq inissitsiterneqarnerannut sunniuteqarniartarput.

Tamat oqartussaaqataanerat aallaavigalugu aalajangiisartuutitani, tassa partiimit qinigassanngortitat Inatsisartunut, kommunalbestyrelsinut nunaqarfinnullu aqutsisunut imaluunniit danskit Folketingianni 179-inik ilaasortalimmut Kalaallit Nunaat sinnerlugu marlunnik ilaasortaataitaqarfiusumut qinigaanerisigut sunniisinnaassuseqarneq annertunerpaaq partiip angusinnaavaa.

Partii Inatsisartunut qinersinermi kingullermi sinniisuutitaqarsimaguni Inatsisartunut qinigassanngortitsisinnaavoq. Partiit kingullermik qinersinermi Inatsisartunut ilaasortaataitaqanngitsut qinersisartut atsiorninik Inatsisartunut qinersinermi kingullermi taasisut atorsinnaasut tamarmiusut ilaannik 1/31-inik naleqartunik pissarsisinnaagunik qinigassanngortitsisinnaapput.

Partiit aaqqissuussaanerat

Inatsisartunut ilaasortat Inatsisartunut ilaasortaqaatigiinnut (gruppinit) partiit Inatsisartunut ilaasortaataitaannik ataasiakkaanik inuttaqartunut agguarneqarajupput. Inatsisartunut ilaasortaqaatigiit Inatsisartut ataatsimiinneranni ullut tamarluinnangajaasa Inatsisartuni sulineq eqqartorniarlugu ataatsimiittarpoq. Inatsisartunut ilaasortaqaatigiit siulittaasumit aammalu siulittaasup tullianit ataatsimik malunnilluunniit (naalakkersuinermut tunngasuni aammalu aaqqissuussaanermut tunngasuni siulittaasup tullinik) aqunneqartarput. Tamatuma saniatigut Inatsisartunut ilaasortaqaatigiit arlalinnik qaaseqartartuutitaqartarpoq, taakkulu eqqartorneqartoq apeqqutaatillugu Inatsisartut ataatsimiinneranni partiip Inatsisartunut ilaasortaataitai sinnerlugit oqaaseqartarput.

Partiit avataanni: Kattuseqatigiit, kisimiillutik qinigassanngortittut attaviitsullu

Partiit Inatsisartunut qinersinermi qinigassanngortitsinissamut kisimik periarfissaqartinneqanngillat. Partiimik tunuliaqutaqarani Inatsisartunut qinigassanngortinneq aamma ajornanngilaq.

Partiimut attaveqarani qinigassanngortittut "kisimiillutik qinigassanngortittutut" taaneqartarput. Kisimiillutik qinigassanngortittut Inatsisartunut qinigaanisaminnut taasisunik naammattunik pissarsisinnaanerat ajornakusoortarpoq. Ataasiakkaanullu tamanna iluatsitsiffiusarsimavoq.

Partiit avataasigut qinigassanngortittut ataatsimoorlutik isumaqatigiissuteqarnermikkut “kattusseqatigiinnorsinnaapput”. Taamaaliornikkut taasisunik annaasaqarsinnaaneq annikillisinneqarsinnaavoq, tassa qinigassanngortittoq Inatsisartunut qinigaanissaminut naammattunik taasiseqarsimanngippat taasisaasa kimut tutsinneqarnissaat pillugu isumaqatigiissuteqartoqarsinnaamat. Imaassinnaavoq kattusseqatigiit sinnerlugit qinigassanngortittut pingasut ima qinersiseqartigisut inummik ataatsimik qinigaatitaqarsinnaallutik, naak taakku tamarmik immikkut ima amerlatigisunik taasiseqanngikkaluartut arlaannaallunniit qinigaasinnaalluni.

Inatsisartunut ilaasortaq partii sinnerlugu qinigaasimasooq nammineq sulissuteqarnini naapertorlugu imaluunniit anisitaanermigut partiimit tunuarsinnaavoq. Inatsisartunut ilaasortaq taama iliortoq “attaviitsumik” taaneqartarpoq.

Naalakkersuinikkut suliniaqatigiiffinnut partiinut aningaasatigut tapiissuteqartarneq il.il.

Inatsisartuni naalakkersuinikkut sulinerup nakussassarneqarnissaa anguniarlugu partiit, kattusseqatigiit, kisimiillutik qinigaasut attaviitsullu Inatsisartunut ilaasortaasut aningaasatigut tapiiffiqineqartarput. Tapiissutiniq qinnuteqaat ukiumi qinnuteqarfiusumi kingusinnerpaamik marsip ulluisa aallaqqaataanni tunniunneqassaaq. Ilaasortaatanut tapiissutit ukiumi qinnuteqarfiusumi januaariip ulluisa aallaqqaataanni Inatsisartunut ilaasortaatat amerlassusiat malillugu tunniunneqartarput. Inatsisartunut ilaasortaq attaviitsunngorniarluni partiimi ilaasortaataani tunuarpat imaluunniit partiimut allamut nuuppat ukiup sinneranut partiimut tapiissutit ikilineqarneq ajorput. Qaammammit Inatsisartunut ilaasortap partiiminit kattusseqatigiinnilluunniit tunuarfiata naanerani naatsorsorlugu ilaasortaq qinnuteqarnermigut ilaasortaanermut ukiumoortumik tapiissutit ilaanit pissarsiaqarsinnaavoq. Ukiumut tapiissut ataasiakalaarlugu tunniunneqarani marlunnut avillugu tunniunneqartarpoq, takuuk malittuani.

Partii nutaaq ilaasortap ataatsip arlallilluunniit maannamut ilaasortaaffigisa-minnik qimatsinerisigut Inatsisartunut sinniisuutitaqalersooq partiip Inatsisartuni naalakkersuinikkut suliaqarneranut tapiissutiniq pissarsisinnaavoq.

Ukiup siuliani aningaasat tunniunneqartut atorneqarnerannut naatsorsutiniq kukkunersiuukkanik kukkunersiuisumit akuerineqartunik kingusinnerpaamik juunip ulluisa 30-ianni nassiussisoqassaaq. Naatsorsuutit piffissaq eqqorlugu nassiunneqanngippata tapiissutit ukiup sinneranut tunniunneqartussat kinguartinneqarsinnaanerani atorunnaarsinneqarsinnaaneralluunniit naatsorsuutigineqarsinnaavoq.

Naatsorsuutit nassiunneqartut Inatsisartut Siulittaasoqarfiata Inatsisartut nit-tartagaasigut tamanut saqqummiuttussaavai.

Tapiissuteqartarneq pillugu inatsit malillugu tapiissutit Inatsisartuni naalakkersuinikkut suliaqarnermut tapiissutitut immikkut tunniunneqartarput, taamaaliillutillu nuna tamakkerlugu naalakkersuinikkut kattuffiup suliaqarnissaanut tunniunneqartaratik. Tamatuma kingunerisaanik anguniagaq taanna naapertorlugu tapiissutit atorneqartussaapput. Tapiissutitut pingaartumik ilaapput atortussat Inatsisartunit atorneqartussat, soorlu aalajangiiffigisassatut siunnersuutit aammalu § 37 naapertorlugu apeqqutit, nutsertinneqarnerannut

aningaasartuutit.

Partii tapiissutinik pissarsisartoq atortussat taamaattut kalaallisut danskisullu nassiuttarnissaannut taamaalilluni pisussaatinneqarpoq.

Naalakkersuinikkut suliniaqatigiifiit, partiit, naatsorsuutaasa tamanut saqqummiunneqartarneri naalakkersuinikkullu sulinermut inuit inatsisilerinikkullu inuttut isigineqarsinnaasut tapiissutaat pillugit Inatsisartut inatsisaanni malit-tarisassanik partiit naalakkersuinikkut ingerlatsinerminni kikkunnit aningaasa-liiffigineqartarnerisa tamanit paasineqarsinnaanissaanik qulakkeerisussanik aalajangersagaqarpoq. Malittarisassat taakku malillugit partiip ukiumoortumik naatsorsuutai inuit tigussaasut kikkulluunniit ukiumi naatsorsuiffimmi partiip naalakkersuinikkut sulineranut katillugit 1.000 kr.-init amerlanerusunik tapiis-suteqartut aqqi najugaallu pillugit paasissutissanik imaqassapput. Aningaasat amerlassusiat aamma paasissutissiissutigineqassaaq. Tamanna aamma atuuppoq peqatigiiffinnut ingerlatseqatigiiffinnullu il.il. (inatsisilerinikkut inuttut isigineqarsinnaasut) partiip naalakkersuinikkut sulineranut tapiissuteqartunut, aningaasat amerlassusiat apeqqutaatinngilaq.

Partiip naatsorsuutai ukiumi naatsorsuiffiusumi tulluuttumi kingusinnerpaamik juulip ulluisa aallaqqaataanni Siulittaasoqarfimmut nassiunneqassapput. Partiip naatsorsuutai Inatsisartut nittartagaanni Siulittaasoqarfimmit tamanut saqqummiunneqassapput.

Tamatuma peqatigisaanik naalakkersuinikkut sulinermut inuinnarnit tapiissuti-nik pissarsisinnaaneq Inatsisarut inatsisaanni killilersorneqarpoq. Pingaartumik nunanit allanit kinaasuutsimillu isertuussilluni tapiissutinik tunineqarnissap partiinut inerteqqutaanera Inatsisartut inatsisaanni aalajangersarneqarpoq. Inerteqqut partiit najukkani inuusuttunullu immikkoortortaqaqfinut aamma atuuppoq. Kiisalu inereqqut atuuppoq Folketingimut Inatsisartunulluunniit ilaasortanut taakulu sinniisussaannut kiisalu inunnut Folketingimut Inatsisar-tunulluunniit qinersinissani qinigassanngortittunut.

Kiisalu partii inuinnarnit tapiissutinik katillugit 200.000 kr.-init sinnilinnik, imaluunniit tapiissuteqartut ataasiakkaat eqqarsaatigalugit 20.000 kr.-init sinnil-innik pissarsiaqarsinnaatitaanngilaq.

Nunaqarfinni aqutsisunut, kommunalbestyrelsinut Inatsisartunullu qine-qqusaarnermut atatillugu aningaasanut inatsimmi aningaasanik immikkoor-titsisoqarajuppoq. Taamaattorli partiit qineqqusaarnissamut tapiiffigineqarnis-samut eqqartuussivikkoortumik piumasaqaateqarsinnaatitaanngillat.

Partiit allattoqarfiisa Inatsisartullu Allattoqarfiata akornanni suleqatigiinneq

Partiit allattoqarfiisa Inatsisartullu Allattoqarfiata akornanni suleqatigiinneq Inatsisartut allattoqarfeqarneranni sulinerup ilagaa. Partiilli soqutigisaqatigiiffittut namminersortutut isigineqarmata Inatsisartullu allaffeqarfiat pisortat ingerlatsivigimmassuk eqqaasitsissutigissallugu pisariaqarpoq. Inatsisartut allaffeqarfiat allaffeqarfit, aqqissuussaannikkut, aningaasaqarnikkut allatul-luunniit naalakkersuinnermik ingerlatsinikkut partiinut akulerutsinneqassanngi-laq. Allaffeqarfiulli partiillu akornanni aqqissuussaasumik ingerlaavartumillu suleqatigiittoqarnissaanut tamanna soorunami akimmisaartitsinngilaq.

Allaffeqarfiup partiillu piginnaasaannik pitsanngorsaaqqinnissaq siunertaralugu suleqatigiinneq ingerlaavartumik nalilersorneqartarpoq.

Allaffiit agguataarneqarnerat illuutinullu tunngasut

Inatsisartut illuutaani inini allerni kiisalu torsuusani A aamma M-imi inini qullermiittuni aammalu allattoqarfiup allaffeqarfiata sinnerani torsuusani L aamma B-mut atasuni partiit allattoqarfiinut ilaasortanullu allaffinnik atugassaqaqtitsisoqarpoq. Tamatuma peqatigisaanik illorsuaq Namminersorlutik Oqartussat Inatsisartullu Allattoqarfiata aqutsiveqarfiattut atuuppoq. Allaffinnik assut amigaateqartoqarmat partiillu Namminersorlutik Oqartussat aqutsinerannut ilaangngimmata, taamaattumillu aaqqissuussaanermi nalinginnaasumik atorfilittanut atasunngorlugit inissinneqarsinnaanatillu inissinneqartariaqanngimmata, illorsuup iluani illorsuulluunniit avataani allaffinnik partiinut atugassiisoqarsinnaanngilaq. Inatsisartuni sulineq siuarsarniarlugu allaffiit atugassiissutigineqarmata malugeqquneqarpoq. Taamaattumillu tunngaviusumik Inatsisartut sulinerannut attuumassuteqanngitsunut allaffiit atorneqaqqusaanngillat. Pingaartumik init nammeneq ingerlatanut (inuussutissarsiutinut) tunngasumik ingerlatsivigineqaqqusaanngillat.

Allaffiit partiit ilaasortaqqortussusiat naapertorlugu agguaanneqartarput. Tamatuma saniatigut partiit annerit sisamat allaffimmik angineramik, ataatsimiitartittut nalinginnaasumik atorneqarsinnaasumik, atugassinneqartarput.

Partiit marluk ilaasortalluunniit ataasiakkaat allaffinnik ataatsimiittarfinnulluunniit paarlaaseqatigiinnissamik isumaqatigiissuteqarsimagunik Allattoqarfimmut tamatuminnnga nalunaaruteqaannassapput. Allaffiilli agguataarneqarneri pillugit isumaqatigiinnigissutaasinnaasut aalajangiiffigineqarnissaat Siulittaasoqarfiup Inatsisartut Allattoqarfiat aqputigalugu oqartussaaffigaa.

Illorsuup aserfallatsaalineqarnera Inatsisartut Allattoqarfiat isumaqatigiissuteqarfigalugu Naalakkersuisut illuutinut immikkoortortaanit isumagineqartarpoq.

Illup iluata silaannarissuunissaa eqqarsaatigalugu allaffinni ataatsimiittarfinnilu silaannarissarfiit ammatinnerisigut silaannarissartuarnissap qulakkeernissaa ilaasortanut kaammattuutigineqarpoq.

9

Najuutinngikkallarneq

Inatsisartunut ilaasortaaneq pisussaaffigalugu qinikkatut atuuffiuvoq. Tassa ilaasortat tamarmik najuuttussaataapput. Pisunili immikkut ittuni ilaasortap sulinngiffeqarallarnissaanik Siulittaasoqarfik akuersissuteqarsinnaavoq – so-orluttaaq ilaasortaq atuuffimminik isumaginnissinnaanngikkallarsinnaasoq. Ilaasortap najuutinngikkallarnerani pisariaqarpat sinniisussaaneq aggersaasoqarsinnaavoq – imaluunniit partiit akunnerminni taasisarneq pillugu isumaqatigiissuteqarsinnaapput.

Sinniisussamik aggersaasarneq

Sinniisussamik aggersaanissamik Siulittaasoqarfimmut qinnuteqartoqartussaavoq sinniisussamillu aggersaasoqassanersoq Siulittaasoqarfimmit aalajangerneqartarpoq. Ataatsimiittarfimmi ilaasortat agguataagaanarisa al-lannguuteqarnera pissutigalugu sinniisussamik aggersaannginneq Inatsisartut aalajangiinerannut sunniuteqartussaanngitsutut nalilernerqarpat ullunit 14-init sivikinnerusumik najuutinnginnermut sinniisussamik nalinginnaasumik aggersaasoqarneq ajorpoq. Ataatsimiititaliani sulinermi sinniisussamik aggersaasarnermut tunngatillugu immikkoortoq “Ataatsimiititaliat” takuuk.

Taasisarnermi isumaqatigiissuteqartarneq

Taasisarnermi isumaqatigiissuteqarneq partiit – qinersisarnerilluunniit pillugit teknikikkut suleqatigiit – akunnerminni isumaqatigiissuteqarnerisigut pisarpoq. Isumaqatigiissuteqarnermut immersugassaq partiinit/attaviitsunillu tamani ator neqartussaq Allattoqarfimmit tunniunneqartarpoq.

Allattoqarfik avaqqullugu isumaqatigiissuteqartoqartarpoq immersuisoqarlunilu, Allattoqarfiup isumaqatigiissut taamaallaat ataatsimiinnermik aqutsisumit uppernarsaatitut atugassatut tigusarpaa. Taasisarneq pillugu isumaqatigiissutit ataasiakkaat tassaapput qinarseqatigiittartut illuatungeriit ilaasortaannit inuit marluk aqqisigut taasat Inatsisartut ataatsimiittarfianni taasisarnermi peqataann-ginnissaannik partiit akunnerminni isumaqatigiissutaat, taamaalilluni ilaasortat marluusut aappaa najuutinngikkaluartoq inatsisartutigit pissaanerup agguataagaanera innarlerneqarani. Taasisarnermut isumaqatigiissutit taamaallaat Inatsisartut ataatsimiittarfianni taasisarnernut atuupput. Taamaalilluni ilaasortaq taasisarneq pillugu najuutinngitsumik isumaqatigiissuteqarfiginnissimasoq suli Inatsisartut ataatsimiittarfianni oqallinnermut peqataasinnaatitaavoq. Taasisarneq pillugu isumaqatigiissuteqarsimasut isumaqatigiissummik eqquutsisinissaq taamaalillutillu taaseqataann-ginnissartik kisimik akisussaaffigaat. Ilaasortaq taasisarneq pillugu isumaqatigiissuteqarsimasoq kukkulluni taaisoorsimaguni tamanna pillugu ataatsimiinnermik aqutsisumut piaartumik nalunaarsinnaavoq - taassuma taasinerup uteqqinneqarnissaa imaluunniit kukkulluni taasinerup taasinerup inerneraniit peerneqarnissaa aalajangissavaa.

Sulinngiffeqarallartarneq najuutinngikkallartarnerlu

Sulinngiffeqarallartarneq najuutinngikkallartarnerlu pillugit malittarisassat peruserineqartullu erseqqinnerusut Inatsisartut Suleriaasianni ilanngussaq 2-mi takuneqarsinnaapput, taakkunanngalu uku erseqqissaatigineqarsinnaapput:

Aningaasarsiaqaatigalugu sulinngiffeqarallarneq

§ 2. Inatsisartunut ilaasortaq napparsimanermik pissuteqartumik, najuutinnginnissaalu ullorsiutini ullut 14-it sinnerlugit sivilissuseqarnissaa ilimagineqarpat, atuuffimminit najuutinngikkallarnissamut pissutisaqavippat ilaasortaq sulinngiffeqarallarnissamut akuerineqarsinnaavoq.

Imm. 2. Naartunermut, erninermut meeravissiartaarnermulluunniit atatillugu Inatsisartunut ilaasortaq sulinngiffeqarallarnissamut akuersisummik tunineqarsinnaavoq, kisianni tamanna malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

Imm. 3. Qanigisap toqukkut qimagunnerani perulullunuunniit napparsimanerani Inatsisartunut ilaasortaq sulinngiffeqarallarnissamut akuerineqarsinnaavoq, kisianni tamanna malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

Aningaasarsiaqaataanngitsumik sulinngiffeqarallarneq

§ 3. Inatsisartunut ilaasortaq piffissami Naalakkersuisutut, Folketingimut ilaasortatut kommunalbestyrelsimulluunniit, tassani aamma borgmesteritut viceborgmesteritullu, atuuffimmik paarsaqarniarluni sulinngiffeqarallarnissamut akuerineqarsinnaavoq.

§ 4. Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inatsisartunut ilaasortaq sulinngiffeqarallarnissamut akuerineqarsinnaavoq, tamanna namminersorluni ingerlatamini suliasamik nukingernartumik suliassanilluunniit allanik nukingernartunik aallussinissaa pisariaqarluinnartutut isigineqarpat.

Najuutinngikkallarneq

§ 5. Inatsisartunut ilaasortaq sulinngiffeqarallarnissamut akuerineqar-simanngitsoq atuuffimminillu isumaginninnissaminut akornuserneqar-rallartoq, tamanna pillugu najuutinnginnissallu qanoq sivistiginissaa ilimagineqarnerisq paasissutissiissutigalugu erngerluni Siulittaasoqar-fimmut nalunaaruteqassaaq.

§ 6. §5 malillugu najuutinngikkallarneq ilaasortap napparsimaneramik pissuteqarpat, najuutinngikkallarnerullu ullorsiutini ullut 14-it sinnerlugit sivistiginissaa ilimagineqarpat, taava ilaasortaq sulinngiffeqarallarnissa-mik qinnuteqassaaq.

§ 7. § 5 malillugu najuunnissamut akornuserneqarneq napparsimaner-mik pissuteqavissumilluunniit najuunnissamut akornuserneqarnermik pissuteqarpat, § 5-ilu naapertorlugu piffissaagallartillugulu nalunaaru-teqartoqarlunilu ilisimatitsissuteqartoqarpat, najuutinnginneq akueri-neqartutut isigineqassaaq, Inatsisartut Siulittaasoqarfiat allamik naluna-anggippat. Imm. 2. Imm. 1-imi taaneqartutut ilumut akornusiuttoqarnera pillugu uppersaammik Inatsisartut Siulittaasoqarfiat piumasaqaate-qarsinnaavoq.

§ 8. Pisunut § 7-imi taaneqartutut inngitsunut atatillugu qaammatisiutit malillugit ullut 14-it tikillugit najuutinngikkallarnissamut Inatsisartut Siulittaasoqarfiat akuersissuteqarsinnaavoq, taamatut qinnuteqarneq ilaqutariiussutisimi isiginiagassanik pingaarutilinnik imaluunniit pissutsi-nik immikkut ittunik allanik tunngaveqarpat Siulittaasoqarfiup naliliinera malillugu itigartissallugu naapertuuttussaannngitsumik.

Suleriaatsimi § 13 naapertorlugu najuutinngikkallarnerit sorliit inatsisinut naapertuuttuunersut Siulittaasoqarfimmit aalajangerneqartarpoq.

10

Inatsisartut Ombudsmandiat

Inatsisartut Ombudsmandiat aaqqissuussaanikkut Inatsisartut ataanni inissisimavoq. Ombudsmandi Inatsisartunut qinersereernerit tamaasa - atorfiullu inuttaarunneratigut Inatsisartunit qinerneqartarpoq. Ombudsmandip Atorfeqarfia naalakkersuinikkut arlaannaannulluunniit pituttorsimasuunngilaq.

Namminersorlutik Oqartussat kommunillu inatsisit malittarisassallu allat pisortat ingerlatsinerannut atuuttut malillugit ingerlatsinerannik nakkutilliineq Ombudsmandip suliassaraa.

Ombudsmandi innuttaasunit naammagittaalliuit tunngavigalugit sulivoq – imaluunniit sulianik nammineerluni suliarisassanngortitsisarluni. Ombudsmandi tamatumani aalajangiinerit, suliamik ingerlatsinerit pisortallu innuttaasunik pinninnerat pillugu naammagittaalliutinik suliarinnittarpoq. Ombudsmandip tamatuma saniatigut ingerlatsiviit il.il. Ombudsmandip suliassaqarfigisaanut ilaasut misissuiffiartorlugit takuniaavigisinnaavai. Ombudsmandi 1. januar 1997 aallarnerfigalugu sulianik Inissiaatileqatigiiffik INI A/S-imut tunngasunik suliaqarsinnaalerpoq, tassani suliat inissiaatileqatigiiffiup Namminersorlutik Oqartussat kommunillu sinnerlugit aalajangiiffigisai pineqarlutik.

Malittarisassat pingaarnerit:

- kinaluunniit Ombudsmandimut naammagittaalliuteqarsinnaavoq
- suliamik allaffissornikkut aqutsinermi suliarinninneq inaarlugu suliarineqarsi massaaq aammalu oqartussaasumut qulliunerusumut naammagittaalliornissamut periarfissaqarpat periarfissaq tamanna Ombudsmandimut naammagittaalliunnginnermi atorineqarsimassaaq.
- Naammagittaalliut ukiup ataatsip qaangiutinnginnerani tunniunneqariissaaq

Naammagittaalliornissamut piffissaliussaq qaangiussimappat – naammagittaalliortulluunniit allaffissornikkut naammagittaalliornissamut periarfissani atorsimannippagit naammagittaalliutip suliarineqarnissaa Ombudsmandip itigartitsissutigissavaa. Aamma Inatsisartut suliamik pineqartumik suliarinnilereersimappata Ombudsmandip naammagittaalliutip suliarinissaa itigartissavaa. Taamaammat naammagittaalliortup Ombudsmandimut naammagittaalliorsinnaanera mattukkumanagu Inatsisartut suliassanik ataasiakkaanik suliaqarnissartik nalinginnaasumik tunuarsimaarfisarpaat.

Ombudsmandi suliaq pillugu aalajangiisinnaanngilaq – taarsiulluguli allaffissornikkut aqutsisoqarfiup kukkunerinik isornartorsiulluni oqaaseqaateqarsinnaavoq, suliarlu oqartussaasup suliareqqissagaa inassuteqaatigisinnaallugu. Misissuinerit Ombudsmandimit namminermit aallartinneqartut kingorna oqaaseqaateqarfigalugit tamanut saqqummiunneqartarput, tassani Ombudsmandi apeqqutit suliamut tunngasut pillugit isummernini pillugu nassuiaateqartarpoq.

Inatsisini, nalunaarutini malittarisassanilu allani kukkunerit amigaatillu saniatigut oqartussaasut sulianni kukkunerit sumiginnaanerillu annertuut Ombudsmandip Inatsisartunut Naalakkersuisunullu (/kommunalbestyrelsimullu) nalunaarutigisussaavai. Kukkunertut nalilerneqartut tassaapput teknikkkut

inatsisilerinikkullu amigaatit. Inatsilli naleqquttuunersoq pisariaqartuunersorluunniit Ombudsmandip isummerfigissanngilaa.

Atorfeqarfimmi aaqqissuussaanikkut pissutsit kiisalu suliat Ombudsmandip qaammatisiutit ukiuanni qaangiuttumi suliarisimasai pingaarnerit pillugit ukiumoortumik nalunaarummik Ombudsmandi ukiut tamaasa Inatsisartunut tunniussisarpaq. Ukiumoortumik nalunaarut Inatsisinut Ataatsimiititaliamut tunniunneqartarpaq, taannalu nalunaarutip akuerineqarnissaa pillugu aalajangiiffigisassatut siunnersuummik Inatsisartunut saqqummiussisarpaq.

Sukumiinerusumik paasisaqarit: **www.ombudsmandi.gl**

11

**Inatsisartut Allattoqarfiat
– suliassat allattorsimaffiat**

Inatsisartut Allattoqarfiat Inatsisartunut allaffissornikkut kiffartuussiviuvoq. Allattoqarfiup pingaarnertut suliassai malittuaniittumi nalunaarsorneqarput. Immikkoortortat ataasiakkaat sulisullu pillugit paasisutissat www.ina.gl -imi kiisalu E-mailnut nalunaarsuiffimmi nassaarineqarsinnaapput.

2021-mi aggustip ulluisa aallaqqaataanni Inatsisartut Allattoqarfianni allaffissor-nerup nutaamik aaqqissuusnaanera eqqunneqarpoq.

Pisortaq

Pisortaq Inatsisartut Allattoqarfianni allaffissornikkut pingaarnertut akisussaasuvoq aammalu pisortap Inatsisartut Siulittaasuat qullersaralugu. Pisortap suliassai pingaarnertit ilaatigut tassaapput:

- Inatsisartut allaffeqarfianni aqutsisutut pingaarnertut akisussaaffeqar-neq
- Naalakkersuinikkut tunngasutigut inatsisartutigoortumillu sinniisoqar-finnut atatillugu Siulittaasoqarfiup suliniutaasa ingerlataasalu ataqati-giissarneqarnerannut ingerlanneqarnerannullu akisussaasuuneq
- Inatsisartoqarnikkut sinniisunik qaaqqusisarnertit tikeraartitsitsisarne-rillu
- Ataatsimiinnissanut oqaluuserisassanik piareersaarnertit
- Naalakkersuisut aqutsineranni attuumassutilinnut attaveqaataaneq
- Ataatsimiinnissanut oqaluuserisassanik piareersaarnertit
- Siulittaasoqarfiup suliniutai pillugit partiit allatseqarfiinut tunngatillugu ataqtigiissaarnertit
- Naalagaaffeqatigiinnermut tunngatillugu inissisimaneq
- Suliffeqarnikkut kattuffinnik isumaqtiginninniarnertit

Siulittaasoqarfiup allatseqarfia

Siulittaasoqarfiup allatseqarfia Siulittaasoqarfimmut kiffartuussisuuvoq pisor-tap tullianit aqunneqarlutik suleqataasunik aalajangersimasunik amerlassusil-innik sulisulik. Suliassai pingaarnertit ilaatigut makkuupput:

- Inatsisartut Siulittaasuannik Siulittaasoqarfimmillu sullissineq
- Suleriaaseq pillugu Ataatsimiititaliamik sullissineq
- Qinigaanerup Misilinneqarnissaanut Ataatsimiititaliamik sullissineq
- Inatsisartut Siulittaasuannut Siulittaasoqarfimmullu allattaavissorner-mik (ileqqussanik malinninnissamik) isumaginninneq
- Inatsisartut ataatsimiinnissaannut oqaluuserisassanik suliaqartarneq
- Inatsisartut Siulittaasuata Siulittaasoqarfimmi suliassanik isumagin-ninneq
- Siulittaasoqarfiup ataani ilaasortat inissiassaannik sanaartornissamik siunnersuummut tunngatillugu suliassamik takkuttunik suliaqarneq
- Inissarsiuussinermi suliassanut tunngasut, tassungalu ilanngullugu Inatsisartunut ilaasortat angalanissaannik inissiaannillu aaqqissuussi-neq

Saaffiginninneq pisortap tullianut pissaaq.

Inatsisilerinermi pisortaq

Inatsisilerinermi pisortaq siulittaasumut siulittaasoqarfimmullu inatsisilerinikkut sullissisarpoq kiisalu allattoqarfimmut inatsisartunullu nalinginnaasumik inatsisilerinnikkut siunnersuisarluni. Inatsisilerinermi pisortap pisortaq qullersarivaa.

Ataatsimiititaliat allatseqarfiat

Ataatsimiititaliat allatseqarfiat ataatsimiititaliat sulineranni ikiorsiisarput, Inatsisartunullu ilaasortanut tamanut suliassat pillugit siunnersuinissamut piareersimasuullutik. Ataatsimiititalianut allatsit ataasiakkaat tamarmik ataatsimiititaliap sullissami suliassaqarfii pingaarnertut sammisarivaat.

Ataatsimiititaliat allatseqarfiat allaffiup pisortaanit aqunneqarpoq.

Suliassat pingaarnert ilaatigut makkuupput:

- ataatsimigiaqqusissutininik/imaqarnilianik, allakkatigut apeqqutininik ataatsimiititalianullu saaffiginnissutininut akissutininik piareersaateqartarnej suliaqartarnerlu
- isumaliutissiissutininut missingiusiortarnej
- ataatsimiititaliat sammisaannik tamanik ataqatigiissaarisarnej aqqis-suussisarnerlu, soorlu angalanernik, avataaneersunik ataatsimeeqateqarnernik, ataatsimiititaliamut sassartitaqarnernik, Naalakkersuisumik siunnersiunernik il.il.
- ilaasortat siunnersuutaannik inatsisilerinikkut misissuineq
- Inatsisartut ataatsimiinneranni ataatsimiinnermik aqutsisumik allatseqarnikkut ikiuuttarneq

Saaffiginninneq allaffiup pisortaanut ataatsimiititalialluunniit allattaannut ataa-siakkaanut imaluunniit ugguuna pissaaq; ina@ina.gl

Inatsisilerinermut immikkoortortaq

Inatsisilerinermut immikkoortortaq inatsisilerituunik ataatsimiititalianut allat-taasunik aalajangersimasumik amerlassusilinnik inuttaligaavoq. Suliassai pi-ngaarnert ilaatigut makkuupput:

- Inatsisissanik misissuisarnej
- Ataatsimiititaliat allatseqarfianni inatsisilerinikkut nalinginnaasumik ikiuuttarneq

Saaffiginninneq ataatsimiititaliat allatseqarfianni inatsisilerituumut pineqartu-mut pissaaq.

Nutserisoqarfik

Allakkatigut nutsigassat oqaluttaanerillu nutserisoqarfimmit isumagineqarput, tamanna nalinginnaasumik kalaallisut danskisullu oqaatsit akornanni, pisari-aqarfiatigullu tuluttuumut. Ataatsimiititaliat tamarmik aalajangersimasumik nutserisoqarput/oqalutseqarput. Suliassat pingaarnert ilaatigut makkuupput:

- pappilianik ataatsimiititaliani atorussanik tamanik nutserineq
- Allattoqarfimmit saqqummiussassanik nutserineq – ilitsersuutininik,

ukiumoortumik nalunaarutini, nittartakkaq imarisaanik il.il.

- Ataatsimiititaliat suliaqarneranni oqaluttaaneq, tassani aamma ataatsimiinnerini avataaneersunillu ataatsimeeqateqarnerini, angalanerini il.il.
- Inatsisartut ataatsimiittarfianni isumaqatigiinniarnerni oqaluttaasarneq

Saaffiginninneq nutserisut pisortaannut pissaaq.

Aningaasaqarnermut immikkoortorta q naatsorsuuserivillu

Allattoqarfimmi ulluinnarni aningaasaqarnermik aqutsineq aningaasaqarnermut immikkoortortamit naatsorsuuserivimmillu isumagineqarpoq. Suliassai pingaarnerit ilaatigut makkuupput:

- naatsorsuutini inissitsiterineq aamma ilanngussanik nakkutilliineq (angalanerit naatsorsuutit, akileeqqusissutit il.il.)
- naalakkersuinerimik suliaqarnermut tapiissutini tunniussisarneq aqutsinerlu
- Inatsisartut ataanni aningaasaliissutitut missingersuusiorneq malitse-qartitsinerlu
- missingersuutit malitseqartinneqartarnerat ukiumullu naatsorsuutit pillugit ingerlaavartumik nalunaarusiortarneq
- aningaasanut inatsimmut ilassutitullu aningaasaliissutissanut inatsimmut ilassutissanik suliaqartarneq
- naatsorsuusiortarnermut maleruagassat malinneqarnerannik isuman-naarineq
- kukkunersuiusumut akisussaasumut attaveqarneq (tamanna Pisorta qeqatigalugu)
- naatsorsuutini nalogiissaarineq
- aningaasarsianik, soraarnerussutisianik ilaasortaajunnaarneriutinillu aqutsineq
- piffissanik nalunaarsuineq

Saaffiginninneq Pisortap tullianut pissaaq.

Paasissutissiisarnermut suliniutinullu immikkoortorta q

Paasissutissiisarnermut suliniutinullu immikkoortorta q Inatsisartut Allattoqarfiata avammut attaveqarneranik isumaginnittuuvog. Ilaatigut pingaarnertut makku suliassaralugit:

- Innuttaasunut Inatsisartut pillugit saqqummiussisarneq, tassani aamma Siulittaasoqarfik, ataatsimiititaliat Allattoqarfillu sinnerlugit tusagas-siorfinnut nalunaaruteqartarneq
- ukiumoortumik nalunaarutini, innuttaasunut, atuarfinnut il.il. paasis-sutissiissutini assigiinngitsunik suliaqartarneq
- pulaartunik angalaarussisarnermut akisussaasuuneq
- innuttaasut Inatsisartullu Allattoqarfiata akornanni attaveqaataaneq

Sulisoqarnermut allaffissornermullu immikkoortortaq

Allattoqarfiup Sulisoqarnermut allaffissornermullu immikkoortortaani immikkoortortami pisortap sullissinermut immikkoortortami sulisut ulluinnarni akisussaaffigai.

Sulisoqarnermut allaffissornermullu immikkoortortaq sulisoqarnikkut allaffissornermi suliassanik kiisalu suleriaatsinik suliffiup iluani avataanilu suleqatigiinermik pitsaasumik naleqassutsimillu pilersitsisumik qulakkeerisunik ineriartortitsinerмик isumagisaqarpoq.

Sullissinermut immikkoortortaq

Inatsisartut ataatsimiinnerannut nalinginnaasumillu ingerlatsinermut atatillugu ulluinnarni suliassanik assigiinngitsunik sullissinermut immikkoortortaq isumagisaqarpoq.

Sulisoqarnermut allaffissornermullu immikkoortami immikkoortamut pisortaq sullissinermut immikkoortortamut qullersaavoq.


Suliassai pingaarnerit ilaatigut makkuupput:

- Inatsisartunut ilaasortanut aamma Inatsisartut Allattoqarfianni sulisunut kiffartuussineq (illorsuarmut, pequtinut atortunullu aamma ininut il.il. akisussaaffeqarneq)
- allakkanik nalunaarsuiffik aamma allagaasivik – tassani aamma Inatsisartut ataatsimiinnissaannut atortussanik tigooqqaaneq
- atortussanik amerlisaaneq agguaassinerlu
- ataatsimiititaliat ataatsimiinnerini aaqqissuussinernilu allani nerisaqartitsineq
- ulluinnarni torersaaneq

Aaqqissuussaaneq

Immikkoortortat qulaani pineqartut aaqqissuussaannermi malittuani takutinneqartutut inissisimapput:

AAQQISSUUSSAANEQ
Inatsisartut Allatoqarfiat



12

Pissutsit suliassanut
tunngasut

Inuttut paasissutissat

Inatsisartunut qinersinerni ilaasortat tamarmik Inatsisartut Allattoqarfiannut paasissutissanik makkuninnga tunniussaqaassapput:

- Inuup normua
- Najugaqarfigisaq
- Oqarasuaatit normui
- Aningaaserivik pillugu paasissutissat
- Akileraartarnermut allagartaq kiisalu
- Pisariaqarpat e-maili/faxip normua

Paasissutissat tamarmik isertuullugit toqqortarineqassapput. Paasissutissat allanngornerat Allattoqarfimmut nalunaarutigineqassaaq.

Paasissutissanik qulaani pineqartunik tunniussinnermut immersugassat uani nassaarineqarsinnaapput; intra.ina.gl/immersugassat, taakkulu qarasaasiakku immersorneqassapput. Immersugassat immersorsimasut Allattoqarfimmi Siulittaasoqarfiup allatseqarfianut tunniunneqassapput.

Ilinniakkat suliffigisimasallu pillugit paasissutissat (CV)

Qinersinerup kingorna piaarnerpaamik ilaasortat ilinniakkatik suliffigisimasatil-lu pillugit allaaserisamik paasissutissanilluunniit nittartakkami kikkunnilluunniit takuneqarsinnaasunngorlugit tamanut saqqummiukkusutaminnik nassiussis-sapput. Paasissutissanik pineqartunik nutarterinissaaq ilaasortat ataasiakkaat namminnek akisussaaffigaat.

Ataatsimiititaliat angalanerisa ilaanni, nunani tamalaani ataatsimiinnerni, soorlu EU-mi, ilinniakkat suliffigisimasallu pillugit paasissutissat aamma ujtartorneqar-tarput.

Ilinniakkat suliffigisimasallu pillugit paasissutissanik (CV) immersugassaaq uani nassaarineqarsinnaavoq; intra.ina.gl/immersugassat, taannalu qarasaasiakku immersorneqassaaq. Immersugassat immersorsimasut ina@ina.gl-imut nassi-unneqassapput.

Namminerisamik atuuffinnik inuussutissarsiutinillu nalunaarsuinerit

2015-imi juulip ulluisa aallaqqaataaniit Inatsisartunut ilaasortat inatsisitigut pisussaaffiliisumik inuttut atuuffitik inuussutissarsiutinillu pillugit paasissutis-saatitik Inatsisartut inuussutissarsiutinut nalunaarsuiffiannut pinngitsooratik nalunaarsortittussaalerpaat. Qinigaasinnaanerup akuerineqarnerata kingorna qaammat ataaseq qaangiuppat paasissutissat tunniunneqareersimassapput. Inatsit aamma sinniisussanut Inatsisartunut sivikinnerpaamik ulluni 30-ni imaluunniit killissaa aalajangigaanngitsumik sivisussusilikkami ilaasortanngor-tunut atuuppoq. Sinniisussanut killiliussat ullut 30-iupput. Suleriaasissami § 56, imm. 4 naapertorlugu paasissutissat Inatsisartut nittartagaanni tamanut saqqummiunneqassapput.

Inuussutissarsiutit aningaasaqarnikkullu soqutigisat pillugit immersugassaaq pissusissamisoortoq uani nassaarineqarsinnaavoq; intra.ina.gl/immersugassat, taannalu qarasaasiakku immersorneqassaaq. Immersugassat immersorsima-sut Allattoqarfimmi Siulittaasoqarfiup allatseqarfianut tunniunneqassapput.

Nalunaarutiginnissimannginnermut kinguneqartitsissutit assigiinngitsut naalak-kersuinikkut sulinermut aningaasatigut tapiissuteqartarneq pillugu Inatsisartut inatsisaanni § 4-mit aalajangersarneqarsimapput. Piffissaq eqqorlugu tunnius-sinngitsoorneq qinigaasunut tapiissutinik tapiissutinillu allanik pissarsinngit-soornermik kinguneqarsinnaavoq. Nalunaarsuinngitsoornermi imaluunniit nalunaarutigineqartut amigarpata ingasattumilluunniit amigaateqarpata qinigaatitaqarnermut tapiissutit utertinneqarnissaat aamma piumasaqaatigine-qarsinnaavoq.

Assilisinneq

Inatsisartunut ilaasortat tamarmik qinigaanerup imaluunniit Inatsisartunut isernerup kinguninnguatigut assilisequllugit qinnuigineqarput.

Assip atorineqarfissai/siunertai:

- Inatsisartut illuutaannut isisummut atugassamik
- Inatsisartunut ilaasortat www.inatsisartut.gl-imi Inatsisartut Ukiuumoor-tumik Nalunaarutaanni saqqummersittagaannilu allani kiisalu tusagas-siuutini avammut sammisumik kiinnernissaat.
- nunanut allanut angalanissanut tunngatillugu visumimik il.il. qinnuteqarnissamut atugassamik.

Angallammik nammineq pigisamik imaluunniit attartukkamik angallateqar-neq

Pisortat angallassissutaasa atornissaannut taarsiullugu ataatsimiiffissamut tassanngalu nammineq angallatigisaq atorlugu Inatsisartunut ilaasortaq angalarusuppat ikummatissamut aningaasartuutit tamatumunnga atorne-qartut annertoqataat periaaseq malillugu Inatsisartut Allattoqarfiata utertil-lugit akilertussaavai. Pisarneq malillugu aningaasartuutitut uppersaasatitut ilanngussat naatsorsuuseriviup kukkunerisuiisarfiullu atugassaat saqqummi-unneqassapput. Dankortimit uppersaasat erseqqinnerusumik takussutissar-taqaanngitsoq tunniutissallugu naammanngilaq. Pisortat angallassissutaannut bilitsip akikinnerpaap akia tamarmiusoq sipporlugu kiisalu aqquataani pisari-alimmik unnuisoqartariaqarsimappat saniatigut aningaasartuutaasinnaasut angalanerullu sivikinnerunera pissutigalugu ullormusiassanit sipaarutaasi-masinnaasut utertillugit akilerteqarsinnaanngillat. Nammineq angallatip atornissaanik kissaateqarnerup kingunerisaanik bilitsit qularnaveeqqusiine-rillu inniminneriikkat atortussaajunnaarsinnerinut Inatsisartut Allattoqarfiat aningaasartuuteqartariaqarsimappat aningaasartuutit taakku aamma ilanngul-lugit Allattoqarfiup akiligaanut ilanngaatilugit naatsorsorneqassapput.

Angalanissat, unnuinissat il.il. inniminneriikkat atortussaajunnaarsinnerisigut aningaasat maangaannartinnginnissaat siunertaralugu nammineq angallatip atornissaanik kissaateqarneq sapinngisamik siusissuklut Inatsisartut Allat-toqarfiannut nalunaarutigineqartariaqarpoq. Nammineq angallatip atorneranut atatillugu aningaasartuutit allat, assersuutigalugu sissiuukkami inissaqartitaaner-mut, sillimmasiisummut, isumannaallisaanermut atortut pisariallit pissar-siarinerinut, motorip iluarsaatsinneranut imaluunniit nammineq angallatip atornerata kingunerisaanik aningaasartuutitut allanut tunngasut Inatsisartut Allattoqarfiata utertillugit akilertussaannngilai.

Ilaasortat namminneq angallatiminnik atuinnerminni angalanermut pisortat sillimmasiisarnerannut nalinginnaasunut ilaatinneqanngimmata immikkut erseqqissaatigineqassaaq. Taamaattumik angalaneeq aallartitsinnagu isumannaallisaanikkut pissutsit tamaasa qulakkeernissaat ilaasortap nammineq akisussaaffigai. Assersuutigalugu ajunaarnernut, toqumik kinguneqarnermut, umiunermut, kinguaattoornernut, pigisat annaanerannut ajoqusernerinulluunniit imaluunniit nammineq angallatip atornissaanik kissaateqarnerup kingunerisaanik aningaasartuutit allat Inatsisartut Allattoqarfiata akisussaaffiginngilai.

Ataatsimiinnermut peqataajartorluni peqataaereernermilu angalanissani pisortat angallassissutaasa atornissaannut taarsiullugu Inatsisartunut ilaasortaq umiatsiamik attartukkamik atuerusuppat tassani attartornermut aningaasartuutit periaaseq malillugu Allattoqarfiup utertillugit akilissavai. Aningaasartuutitut uppernarsaatitut ilanngussat pisarnertut saqqummiunneqassapput. Pisortat assartuutaannut bilitsi akikinnerpaaq atorlugu angalanerup akissaralua qaangerlugu aningaasartuutit angalanermilu akunnittarfimmi/ umiartortut angerlarsimaffianni unnuisoqartariaqarsimappat akilikkanut aningaasartuutit utertillugit akilernerqarsinnaanngillat. Umiatsiamik attartornerup kingunerisaanik bilitsit qularnaveeqqusiinerilluunniit inniminneriikkat atortussaajunnaarsinneranni Allattoqarfik aningaasartuuteqartariaqarsimappat aningaasartuutit taakku Allattoqarfiup akilersimasai utertillugit akilersinneqassapput. Umiatsiat angallassisinnaanermut akuerisaasut (umiatsiat P-mik akuerisaasunik taaneqartartut) kisiisa attartortarnissat ilaasortap nammineq akisussaaffigaa. Ilaasortarli taamaakkaluartoq umiatsiamik P-mik akuerisaanngitsumik attartorpat tamanna ilaasortap nammineq akisussaaffigissavaa. Taamatut umiartornerit Allattoqarfiup sillimmasiissutaasa matussuserneq ajorpai, assersuutigalugulu umiatsiat P-mik akuerisaanngitsut atornerisigut ajunaarnerni, toqukkut qimagunnerni, kinguaattoornerni, umiunerni, motoriarnerni, pigisat annaaneranni ajoquserneriniluunniit aningaasartuutit aningaasartuutilluunniit allat akilernissaat Allattoqarfiup akisussaaffigisinnaanngilai.

Isissutissat/matuersaatit

Inatsisartunut ilaasortanngornermi Inatsisartut illuutaannut isissutissat matuersaatillu tunniunneqassapput. Taakku marluusut tamarmik inummut tunngalluinnartuupput inunnulu allanut tunniunneqartussaanatik. Isissutissat matuersaatilluunniit tammarneqarpata tamanna ingerlaannaq Sullissinnermut immikkoortortamut nalunaarutigineqassaaq. Isissutissaq matunut silarlernut matullu ilorliit ilaannut atugassaapput, matuersaatilli nalinginnaasumik allaffigisat matuinit atorneqartarlutik. Ilaasortat tamarmik immikkut Inatsisartut torsuusaannut, namminneq allaffimminnut aamma partiit atortorissaarutaateqarfiinut isersinnaapput.

Allaffiit nalinginnaasumik ammasarfiisa avataanni isissutissaq kode isissutissamik piginnittut inuttut normuisa kingulliinik sisamanik normutalik kipparissumillu naggasigassaq atorneqassaaq. Isissutissamik /matuersaatinik atuinerit nalunaarsorneqartarput.

Matuersaatit ingerlaavartumik immerneqartassapput, siunertamut tassunga karsit ivertitat saaffiginittarfiup tunuani iikkamiipput.

Isissutissaq matuersaatillu Sullissinermut immikkoortortamit tunniunneqassapput aamma tassunga isissutissat katatat, kukkusut assigisaannilluunniit ajoqutilit saaffiginnissutigineqassapput.

Ineqartitaaneq

Ilaasortat Nuup avataaneersut Inatsisartut ataatsimiinneranni inissamik Inatsisartut Allattoqarfiannit atugassinneqassapput. Erseqqinnerusumik paasisaqaqumallutit **intra.ina.gl**-imi quppersagaq una takuuk; Inatsisartut ataatsimiinnerisa nalaanni ineqartitaaneq.

Nuummi ineqarnermut neqeroorutit quppersakkami uani takukkit;

Aningaasarsiaqartitaaneq ineqartitaanerlu.

Allaffik pissutsillu sulinermut tunngasut

Inatsisartunut ilaasortat tamarmik partiit torsuusaanni allaffimmik atuisinnaatitaapput. Allaffimmiipput atortut nalinginnaasut soorlu oqarasuaat, qarasaasiaq, nerrivik, issiavik, allagarsiivik, saagut il.il. Tamakku saniatigut ilaasortat tamarmik allaffimminnik aaqquissuussinissaminut tikilluaqqusaapput. Pequtit immikkut ittut atugassiussutigineqanngillat. Partiit torsuusaanni allaffinnut tunngatillugu kissaatigisat tamarmik Inatsisartut Allattoqarfiannit sapinngisamik akuersaarniarneqartarput. Inilli killiliisuupput. Pequtit, atortut il.il. ilaasortanut aamma partiit allatseqarfiinut atukkiunneqartut tamarmik Allattoqarfiup pigisaatut isigineqarput taamaattumillu aallaavittut ininit pineqartunit peerneqartussaananik. Pequtit, atortut il.il. ilaasortat Inatsisartuni sulinerminnut attuumassuteqartillugit taamaallaat atorsinnaavaat, taamaattumillu Allattoqarfiup pigisai assersuutigalugu namminersorluni inuussutissarsiutigisanut atorneqaaqqusaanngillat. Atornerluisoqartillugu pequtininik, atortunik il.il. arsarinnittoqassaaq.

Amerlisaatit (kopimaskiner), tassunga ilanngullugit blækit, papilissat il.il. partiit torsuusaannut inissinneqarsimasut partiit allatseqarfiinit nammineq aquunneqarput.

Pulaartut

Inatsisartuni isumannaallisaaneq pillugu malittarisassat naapertorlugit pulaartut tamatigut ingiaqatigineqartassapput. Partiit allatseqarfiini ataasiakkaani Inatsisartunut ilaasortat ataasiakkaat pulaartutik isaarissap eqqaanut aasassaavaat tamatumalu kingorna anilerpata aamma qanillugit. Pulaartut ingiaqateqaratik namminneq angalaassanngillat.

Visitkortit

Aalajangersimasumik Inatsisartunut ilaasortat sivisunerusumilluunniit sinniisusar visitkortinik inniminniissaminut periaqarfissaqarput. Visitkortit nutaanngitsut nunguppata aatsaat visitkortinik nutaanik inniminniisoqaaqqissaaq (tamanna ilaasortaasimasunut qinigaaqqittunullu aamma atuuppoq). Allaffissornikkut aningaasartuutinik ikilisaajumalluni ataatsimut inniminniisoqartarpoq, taamaattumik inniminnikkat tigunissaannut sapaatit akunneri arlallit ingerlasinnaasarput. Visitkortip ilusissaa siumut aalajangerneqareertarpoq. Paasisutissat **www.ina.gl**-imit aaneqassapput, paasisutissallu taakku ilaasortat ataasiakkaat namminneq Inatsisartut Allattoqarfiannut paasisutissiinerannik tunngaveqarput. Visitkortimut missingiut ilaasortamut pineqartumut

akuerisassanngorlugu nassiunneqassaaq. Visitkortip naqinneqareerneratigut allannguutaasinnaasut kukkunerusinnaasullu iluarsineqarnissaat ilaasortat ataasiakkaat namminneq akisussaaffigaat, ilaasortap visitkort taamatut paasisutissartalerlugu akuerisimappagu.

Inatsisartut ilisarnaataat namminerisamik visitkortinut atorneqassanngilaq. Visitkortinik inniminniissut **ina@ina.gl**-imut nassuinneqassaaq.

Allagaasivik

Inatsisartunut ilaasortat partiillu tamarmik inini qullerni allagaasivimmik tunineqassapput. Allakkat Inatsisartut Allattoqarfiannit tiguneqartut aamma Allattoqarfimmit ilaasortanut /partiit nassiunneqartut tassani agguanneqartarput. Ilaasortat /partiit tamarmik allagaasivimmik ingerlaavartumik imaartarnissaat namminneq akisussaaffigaat. Inatsisartunit ataatsimiititalianillu allakkanik allanillu nassitsinermut aningaasartuutit Aningaasanut Inatsimmi Inatsisartunut aningaasaliissutinit matussuserneqartarput. Ilaasortat namminerisaminnik allakkanik/poortukanik Inatsisartut aqutigalugit nassitsisinnaanngillat. Ilaasortat namminerminnut Inatsisartutigoorlugu nassiussanik tiguisinnaanerat nalinginnaasumik akuerisaavoq. Tamanna tiguisissup nammineq akisussaaffigisaanik pissaaq, adressellu allassimaffiani qullertut tiguisissup aqqa allassimassalluni. Aatsisartut (betjentit) Inatsisartullu Allattoqarfiat allakkanut/poortukkanut tamartunut akisussaannngillat.

Kaffisortarfik

Inatsisartut kaffisortarfiat Inatsisartut ataatsimiittarfiata ataani inissisimavoq. Kaffisortarfik Inatsisartunut aamma Naalakkersuisunut ilaasortanuinnaq Inatsisartut ataatsimiinneranni (aamma ataatsimiinnerisa avataanni) persuarsiorani ataatsimuualaarfissatut eqqarsaataavoq.

Allat, tassunga ilanngullugit ilaqqat meeqqallu pulaartut, taamaallutik aallavittut kaffisortarfimmik atueqqusaanngillat. Malittarisassanik unioqqutitsisoqartillugu pulaartut Inatsisartunut/Naalakkersuisunut ilaasortamit pulaartitsisuusumit ingiaqateqassapput. Pulaartut kaffisortarfimmik atuisunut allanut akornutaassanngillat.

Angalasarnerit

Imikkorluinnaq pisoqartillugu piffissaalluartillugulu Allattoqarfik siumoortumik isumaqatigiissuteqarfigineqarsimatinnagu Inatsisartut ataatsimiinnerannut peqataajartornermi peqataareernermilu angalanerni kiisalu ataatsimiititaliat angalanerini il.il. nassatat oqimaannerussutaannut aningaasartuutit **Allattoqarfiup utertillugit akiligassarinnngilai.**

Pisortatigoortumik angalanerni ullormusiat tunniunneqartarput. Nerisaqar-neq pillugu paasisutissat angalanermut naatsorsuutitut ilanngullugit Aningaasaqarnermut immikkoortortamut nalunaarutigineqassapput. Ullormusiat, utertoortussat il.il. pillugit annertunerusumik paasisaqarusukkuit qupper-sagaq Aningaasarsiaqartitaaneq ineqartitaanerlu takuuk.

Ataatsimiititaliat il.il. angalaneranni akunnittarfimmik toqqaaneq "Pisortat suliffeqarfiutaat pillugit akunnittarfinnik isumaqatigiissutinik" tunngaveqassaaq. Ineeqqat nalinginnaasut taamaallaat inniminnerneqassapput. Allattoqarfimmi

ukiorpassuarni periutsit malillugit Inatsisartunut siulittaasoq kisimi inimi akisunermiissinnaatitaavoq. Tamanna Inatsisartunut aningaasartuutaanerussanngipat ineeqqamik marluuttarissamik taamaallaat inniminniisoqarsinnaavoq.

Pisortatigoortumik allatulluunniit angalanerni inuit attuumassuteqanngitsut Inatsisartunut ilaasortat Inatsisartut Allattoqarfiannit sullinneqarnerannut ilaatinneqanngillat, Inatsisartut ataatsimiinnissaannut angalanerit eqqaassanngikkaanni. Allattoqarfik immikkorluinnaq pisoqartillugu tunngavissaqavitsilugulu tamatumunnga ikiuussinnaavoq. Angalaqataasunut taamatut ittunut Inatsisartut Allattoqarfiat angalanernut aningaasartuutitut qaqugukkulluunniit akiliineq ajorpoq.

Air Greenlandimik Danmarkimut /mit angalanerni ilaasortat nalinginnaasumik Premium Fleximi taamaaqataaniluunniit angallanneqartarput. Nunanut allanut angalanissami pissutsit angalanissamut qinnuteqaammut atatillugu nalilersorneqassapput. Atorfilittat angalaqataasut ilaasortat angallanneqarnerattut angallanneqassapput.

Matuma qulaaniittut periutsinik nassuiaataapput. Allattoqarfik pisuni tamani sapinngisamik assigiimmik aqutsiniartarpoq, pisunili aalajangersimasuni periut-sinit allaanerumik iliuuseqarsinnaasariaqarluni.

Ataatsimiititaliat angalasarnerat pillugit paasissutissanik amerlanerusunik pissarsiniaruit "Ataatsimiititaliat" takuuk. Ataatsimiititaliat angalaneri ataatsimiititaliallu sulineri pillugit siunnersuutit pisortatigoortumik angalanerni Inatsisartunut ilaasortanit peqataaffigineqartunut tamanut atuupput.

Angalanerni nammineerluni akiliutit

Angalanernut inniminnerneqareersunut nammineerluni allannguinerlut angalatitseqatigiiffimmit akitsuutit Inatsisartunut ilaasortamik namminermiit akilernerqassapput, (marts 2025-mi allannguinerlut ataasiakkaanut 300 kr.)

Aallarfiisanut inniminnerneqareersunut takkutinngitsoornermi Inatsisartunut ilaasortaq nammineerluni angalanermut pineqartumut aningaasartuutini tamani akiliissaaq, tassa angalanermut Inatsisartut Allattoqarfiannit inniminnerneqarlutilu akilernerqartumut atuuttumik tunngavissaqarani takkutinngitsooruni.

Sillimmasiissutit

Sillimmasiinnermut uppernarsaatit immersugassat assigiinngitsut il.il. pillugit paasissutissat erseqqinnerusut uani takukkit; intra.ina.gl

Pikkorissartarnerit

Qinersisoqareerpat Inatsisartunut ilaasortanngortut tamarmik Inatsisartut Allattoqarfiannit ilisaritsilluni pikkorissartitsinermik neqeroorfigineqassapput. Pikkorissartitsinissat attuumassuteqartut assigiinngitsut ilaasortanut partiillu allattaannut ingerlaavartumik neqeroorutigineqartarput.

Pissutsit qarasaasiaqarnermut tunngasut

Inatsisartunut ilaasortanngornermi ilaasortanngortut tamarmik atuisutut taaguutitaassapput, taannalu qarasaasiamut, mailimut, intranetimit il.il. isissutisatut atorneqassaaq. Isissutissaaq qarasaasiamut iseqqaarnermi pilersinneqas-

saaq isertuussaalluinnartuussallunilu. Isissutissaq allanneqassanngilaq allanullu tunniunneqassanani. Aaqqissuunneqarnerani atuisutut taaguutit toqqammavissaaq taamaalillunilu qarasaasiamut aalajangersimasumut pituttorsimassanani. Taamaalillutit qarasaasiaq sunaluunniit atoraluarukku aaqqissuunneqarnera taannaassaaq.

Partiit allatseqarfiini sulisut aamma taamatut isissutissanik tunineqassapput. Atuisutulli isissutissaq sulisunut Inatsisartuni Inatsisartoqarneq tunngavigalugu toqqaannartumik suliaqartunut taamaallaat tunniunneqassaaq. Taamaalilluni inuit taaneqartut saniatigut allat avataaniittut atuisutut pilersinneqarsinnaanngillat imaluunniit atortussaannik atugassinneqarsinnaanatik, soorlu partiit inuusuttunut immikkoortortaqaarfiini ilaasortat.

Qarasaasiat allaffinni ataasiakkaaniittut LAN-imik attaveqaaserneqarsinnaapput. Tamatuma saniatigut Inatsisartut illuutaanni silaannakkoortumik internettimut attavilerfeqarpoq. Attaveqaatinut silaannakkoortunut ilitsersuut intra.ina.gl-imiippoq Inatsisartut illuutaasa avataanni ilaasortat ataasiakkaat internettimut attavilersinnissartik tamatumunngalu aningaasartuuteqarsinnaanertik namminneq akisussaaffigaat.

Filit sulininnut attuumassutilit qarasaasianni c-drevimut („skrivebord“ ilanngulugu) toqqussanngilatit, tassami drevi taanna isumannaallisaalluni toqqorneqarneq ajormat, taamaattumillu qarasaasiap qarasaanik ajutoornermi paasissutisat tammarneqassapput. Taarsiullugu f-drev atoruk, taanna attaveqaatiniippoq. F-drevimik atuisut partiikkautaanut agguataagaapput, taamaalillutik partiit allat paasissutissaataannut isertoqarsinnaanani. F-drev isumannaallisarlugi toqqorneqartarpoq.

F-drev filinut sulinermut attuumassutilinnut taamaallaat atorneqassaaq. Nipilersukkat, assit filillu allat sulinermut attuumassuteqanngitsut pisariaqartinneqarpat qarasaasiap c-drevianut taamaallaat toqqorneqartariaqarput. Nipilersukkat, filmit assillu nalinginnaasumik aserfallatsaaliuineri f-drevimit peerneqarnissaat naatsorsuutigineqarsinnaavoq.

Namminerisamik filinik aallertarneq qarasaasiaqarnikkut isumannaallisaaneq eqqarsaatigalugu killeqartinneqassasoq kaammattuutigineqarpoq kiisalu mailinut, nalunaarutunut aamma inuit attaveqaataasigut il.il. nalunaarutit pasinartut pillugit mianersornissaq nalinginnaasumik eqqumaffigineqartariaqarluni. Taamaalillutik innunit ilisimaneqanngitsunit imaluunniit kinaassusersineqarsinnaanngitsunit mailinut kakkiussat, innersuussat assigisaallu ammarneqartariaqanngillat.

Tamaku saniatigut innersuussat aamma mailinut kakkiussat ammarneqassanngillat, nalunaarut nassitsisumit nammineq oqaaseqatigiiliorneqarsimasoq malinnaatinneqanngippat. Virusit saassusinerannik pasitsaassat ingerlaannaq Allattoqarfiup qarasaasiaqarneq pillugu siunnersortaanut nalunaarutigineqassapput, taannalu sulinngippat Sullissinermut immikkoortortamut. Tamatuma saniatigut qarasaasiaqarnikkut isumannaallisaaneq pillugu Inatsisartut Allattoqarfiannit ingerlaavartumik kaammattuutit malinneqassapput.

Qarasaasiat pillugit saaffignissutit qarasaasiaqarnikkut siunnersortimut nas-

siunneqartassapput. Namminerisamik atortunik ikiunnerit, ikkussuinerit il.il. aamma Inatsisartut illuutaasa avataanni ikiunnerit neqeroorutigineqarneq ajorput (sulinermut atatillugu qarasaasiaaqatigut e-mailimik atuinerup avataanniittut).

Atortut elektroniskiusut

Inatsisartunut ilaasortat allaffimminni qarasaasiamik programminillu assigiingitsunik atorsinnaasaminnik atugassinneqassapput. Atortut nalinginnaasutut aalajangersarneqarsimanngitsut atugassiisutiginneqarneq ajorput, soorluttaq atortunut nalinginnaasuunngitsunut ikiuttoqarneq ajortoq.

Partiinut tamanut ataatsimoortumik naqiterissutip (printer) saniatigut partiit ataasiakkaat naqiterissummik atugassaqartitaapput. Naqiterissut nammineq sulinermut attuumassuteqanngitsunik atugassatut naqitigassanut atorneqassanngilaq – atortunik atornerluineq piffissap ilaani naqiterissutinik atuisinnaajunnaarsitaanermik kinguneqarsinnaavoq.

Atortut tamarmik aamma qarasaasianut atortut assigiinngitsut paasissutissallu tamarmik piffissamut qinigaaffiusumut killiligaapput – taamaalilluni Inatsisartunut ilaasortaajunaarnermi qarasaasianut atortut utertinneqassapput, soorluttaq mailimut attaveqaatit il.il. matuneqartussaasut.

Qarasaasianik atortunik atukkiunneqarsimasunik tammaasaqarnerni ajoqusii-nernilu ilaasortat ataasiakkaat taarsiissuteqarnissaat naatsorsuutigineqassaaq. Qarasaasianut atortut Inatsisartut pigisaattut isigineqarput, taamaattumillu isumaqatigiissut immikkut ittoq atorlugu atukkiineq atsiorlugu uppersarnerneqassaaq. Kukkunerit, ikiunnerit il.il. pillugit saaffiginnissutit qarasaasialeriner-mut siunnersortimut nassiunneqassapput.

Email / qaammatisiutit

E-mailit, e-mailinut isertaatikkut nalinginnaasukku iserfigineqartarput, taanna aamma qaammatisiummik imaqarpoq. Inatsisartut attaveqaataannik qarasaasiaannillu atuinerneq saniatigut isissutissat allat pisariaqanngillat. E-mailikkut qaammatisiut pinngitsoorani atuneqartussaavoq. Inatsisartut Allattoqarfiani najukkanut nalunaarsuiffimmut Inatsisartuni e-mailit tamarmiusut nalunaarsorneqarnerannik imaqartumut e-mail atorlugu iserneq ajornanngilaq, tassunga ilanngullugu qitiusumik allaffeqarfirmut.

Post.ina.gl-ikkut e-mailinut qaammatisiutinullu avataaniit isertoqarsinnaavoq. E-mailinut qaammatisiutinullu isertaat angallattakkanut oqarasuaatinullu ikkunneqarsinnaavoq. Taassuma ikkunneqarnissaa pillugu qarasaasiaqarnermut siunnersorti attaveqarfigineqassaaq.

E-mailimi programmit atorlugit ataatsimiinnissamik inniminniisoqartarpoq. Marloraammik inniminniisarnerit pinngitsoortinniarlugit ilaasortat qaammatisiutini namminneq isumaqatigiissutigisimasatik allattassagaat kaammattuutigineqarpoq, Inatsisartut Allattoqarfianit ataatsimiinnissanut inniminniinerit akineqarnerisa saniatigut. Tamatuma saniatigut ataatsimiinnissanut inniminniinerit suliaasanut partiinut attuumassuteqartunut atoqqullugit partiit allatseqarfii kaammattorneqarput.

Taasinermut allagartaq

Taasinermut allagartat Inatsisartunut aamma Naalakkersuisunut ilaasortanut tamanut qarasaasialerinemik siunnersortimit tunniunneqassapput. Tunniussi-neq isumaqatigiissummut immikkut ittumut atsiorluni uppersarsarneqassaaq.

Taasinermut allagartaq inummut tunngalluinnartuuvog taamaattumillu qaqugukkulluunniit inunnut allanut tunniunneqartussaanani. Taasinermut allagartamik atornerluineq Inatsisartut ileqqorissaarneq pillugu malittarisassaannik unioqquitsinertut isigineqarsinnaavog aammalu piffissami ullut 14-it angullugit sivisussusilimmik Inatsisartunit akissarsiaqaataanngitsumik mattunneqarner-mik kinguneqarsinnaalluni.

Taasinermut allagartaq ilaasortat ataasiakkaat Inatsisartut ataatsimiittarfianni issiaviisa saavanniittumut taasinermut atortumut ikkunneqassaaq taasinerni oqaaseqarnissamillu qinnuteqarnermi atorneqartussanngorluni. Taasinermut allagartaq Inatsisartut ataatsimiittarfiannut isernermi ikkunneqassaaq ataatsi-miittarfimmullu piffissami sivikikkaluamiluunniit qimanneqassanani.

Taasinermut allagartat tammaasat ingerlaannaq qarasaasiaqarnermut siun-nersortimit imaluunniit Inatsisartut Allattoqarfiannut nalunaarutigineqassap-put.

Nittartagaq aamma nittartagaq matoqqasoq (intranet)

Inatsisartut namminneq www.ina.gl-imi imaluunniit www.inatsisartut.gl-imi nittartagaqarput. Tassani Inatsisartut ataatsimiinnissaanni atortussat nassaassapput (siunnersuutit, isumaliutissiissutit, partiit oqaaseqaataat il.il.) Tamatuma saniatigut paasissutissat allat attuumassuteqartut soorlu tusa-gassiorfinnut nalunaarutit, ataatsimiititaliat katitigaanerat, attaveqarfissat pillugit paasissutissat il.il. pigineqarput.

Intra.ina.gl suliffeqarfiup iluani nittartagaavog (intranet). Tassani Inatsisartut nittartagaasa imarisaasa saniatigut paasissutissat illup iluaneersut nassaas-sapput – ilaatigut immersuiffissat assigiinngitsut, sillimmasiissutit il.il. Tamakku saniatigut qarasaasiakkoortumik atuagaateqarfeqarpoq.

Qarasaasiakkut atuagaateqarfik

Suliffeqarfiup iluani nittartakkakkut ilaasortat, sulisut partiillu allatseqarfii tamarmik qarasaasiakkut atuagaateqarfimmu isersinnaapput. Qarasaasiakkut atuagaateqarfik Naalakkersuisut allallu attuumassuteqartut nassuiaataannik nalunaarusiaannillu hundredelikkaanik arlalippassuarnik tamanut saqqummi-unneqarsimasunik katersaateqarpoq. Naalakkersuisunit nalunaarusiaq assi-gisaaluunniit amigaatigineqarpat ataatsimiititaliami allatsi imaluunniit Sullissi-nermut immikkoortorta q attavigineqarsinnaavog.

Suliffeqarfiup iluani nittartakkami taamatuttaaq Inatsisartut Allattoqarfiannit saqqummersitat paasissutissiissutillu allat aaneqarsinnaapput.



INATSIARTUT

Postboks 1060 · 3900 Nuuk

inatsisartut@inatsisartut.gl · www.inatsisartut.gl